

ПОСЛЕДОВАНИЕ БОГОСЛУЖЕНИЯ

6 июня 2025 года.

Вариант «Б»

Пятница 7-й седмицы по Пасхе. Отдание праздника Вознесения Господня.

НА 9-М ЧАСЕ:

Царю небесный не читается но сразу «Трисвятое»

Тропарь:

Тропарь праздника, глас 4:

Вознёслся еси во славе, Христэ Бóже наш, радость сотвори́вый учеником, обетова́нием Свята́го Ду́ха, извеще́нным им б́вшим благослове́нием, я́ко Ты еси́ Сын Бóжий, Изба́витель ми́ра.

Сла́ва Отцу́ и Сы́ну и Свято́му Ду́ху.

Тропарь Предтечи, глас 4:

Я́ко Божество́нное сокрови́ще, сокрове́нное в земли́, Христос откры́ главú твою́ нам, проро́че и Предте́че. Все́ убо, соше́дшеся в сея́ обрете́ние, пе́сньми богоглаго́ливыми Спа́са воспойм, спаса́юща нас от тле́ния моли́твами твои́ми.

Конда́к:

Конда́к Предтечи, глас 6:

Светоявле́нный и Божество́нный в ми́ре столп, со́лнца свети́льник, Предте́ча, главú светонóсную и Божество́нную свою́ показавы́й в конце́х, освяща́ет той ве́рно покланя́ющихся и взыва́ющих: Христóв премудры́й Крестите́лю, спаси́ всех нас.

ВЕЛÍКАЯ ВЕЧÉРНЯ

Иерей: Благослове́н Бог наш всегда́, ны́не и прýсно, и во ве́ки веко́в.

Чтец: Ами́нь.

1ТРИСВЯТО́Е ПО О́ТЧЕ НАШ:

Чтец: Святы́й Бóже, Святы́й Кре́пкий, Святы́й Безсме́ртный, поми́луй нас. *(Три́жды)*

Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в. Ами́нь.

Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Три́жды)*

Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в. Ами́нь.

О́тче наш, И́же еси́ на Небесе́х, да святи́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должником на́шим; и не введи́ нас во искуше́ние, но изба́ви нас от лука́ваго.

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прýсно и во ве́ки веко́в.

Чтец: Ами́нь. Го́споди, поми́луй. *(12 раз)*

Сла́ва Отцу́ и Сы́ну и Свято́му Ду́ху, и ны́не и прýсно и во ве́ки веко́в. Ами́нь.

Прииди́те, поклони́мся Царе́ви на́шему Бо́гу.

Прииди́те, поклони́мся и припаде́м Христу́, Царе́ви на́шему Бо́гу.

Прииди́те, поклони́мся и припаде́м Само́му Христу́, Царе́ви и Бо́гу на́шему.

Псалом 103:

¹ Может быть опущено и сразу 103 псалом.

Благослові, душе моя, Господа. Господи, Боже мой, возвеличился еси зело. Во исповедание и в веле лепоту облелся еси. Одейся светом, яко ризою, простираяй небо, яко кожу. Покрываяй водами превыспрення Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающии, восхитити и зыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполни земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполняются благи, отвращшу же Тебе лице, возьмуться, отымеша дух их, и исчезнут, и в персть свою возвратятся. Послеси Духа Твоего, и созиждутся, и обновishi лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасайся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослові, душе моя, Господа. Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*.

ВЕЛИКАЯ ЕКТЕНИЯ.

Диакон: Миром Господу помолимся.

Хор: Господи, помилуй. *(На каждое прошение)*

Диакон: О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в онь, Господу помолимся.

О великом Господине и Отце нашем Святѣйшем Патриархе Кирилле, и о Господине нашем, Высокопреосвященнейшем митрополите *(или: архиепископе, или: преосвященнейшем епископе имярек)*, честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздухов, о изобилии плодов земных и временех мирных, Господу помóлимся.

О плавающих, путешествующих, недугующих, страждущих, плененных и о спасении их. Господу помóлимся.

О избавитися нам от всякия скорби, гнева и нужды, Господу помóлимся.

Заступи, спаси, помилуй и сохрани нас, Бóже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живóт наш Христу Бóгу предадим.

Хор: Тебé, Господи.

Иерей: Яко подобает Тебé всякая слава честь и поклонение, Отцу и Сыну и Святому Духу, ныне и присно и во веки веков.

Хор: Амíнь.

БЛАЖЕН МУЖ:

Хор: Блажен муж, иже не иде на совет нечестивых.

Аллилуиа, аллилуиа, аллилуиа.

Яко весть Господь путь праведных, и путь нечестивых погíбнет.

Аллилуиа, аллилуиа, аллилуиа.

Работайте Господеви со страхом и радуйтесь Ему с трéпетом.

Аллилуиа, аллилуиа, аллилуиа.

Блажени вси надеющиеся Нань.

Аллилуиа, аллилуиа, аллилуиа.

Воскресни, Господи, спаси мя, Бóже мой.

Аллилуиа, аллилуиа, аллилуиа.

Господне есть спасение, и на людех Твоих благословение Твое.

Аллилуиа, аллилуиа, аллилуиа.

Слава Отцу и Сыну и Святому Духу.

Аллилуиа, аллилуиа, аллилуиа.

И ныне и присно и во веки веков. Амíнь.

Аллилуиа, аллилуиа, аллилуиа.

Аллилуиа, аллилуиа, аллилуиа, слава Тебé Бóже. *(Трижды)*

ЕКТЕНИЯ МАЛАЯ

Диакон: Паки и паки миром Господу помóлимся.

Хор: Господи, помилуй.

Диакон: Заступи, спаси, помилуй и сохрани нас, Бóже, Твоею благодатию.

Хор: Господи, помилуй.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живóт наш Христу Бóгу предадим.

Хор: Тебé, Господи.

Иерей: Яко Твоя держава и Твое есть Цáрство, и сила, и слава, Отца, и Сына, и Святаго Духа, ныне и присно, и во веки веков.

Хор: Амíнь.

СТИХИРЫ НА ГОСПОДИ ВОЗЗВА́Х, ГЛАС 6:

Канона́рх: Глас шесты́й, Гóсподи, воззва́х к Тебе́, услы́ши мя.

Хор: Гóсподи, воззва́х к Тебе́, услы́ши мя. Услы́ши мя, Гóсподи. Гóсподи, воззва́х к Тебе́, услы́ши мя: вонми́ гла́су молéния моего́, внегда́ воззва́ти ми к Тебе́. Услы́ши мя, Гóсподи. Да испра́вится моли́тва моя́, я́ко кади́ло пред Тобо́ю, воздея́ние руку́ мое́ю – жéртва вечерняя. Услы́ши мя, Гóсподи.

Стихи́ры пра́здника, глас 6:

На 10. Стих: **Изведи́ из темни́цы ду́шу мою́, испове́датися и́мени Твоему́.**

Госпо́дь вознесéся на Небеса́, да по́слет Утéшителя́ ми́ру: Небеса́ угото́ваша престóл Егó, óблацы восхождéние Егó. А́нгели дивя́тся, Челове́ка зря́ще превы́ше себе́. Оте́ц ждет, Егóже в недрах и́мать соприсносу́щна: Дух же Святы́й велит́ всем А́нгелом Егó: возми́те врата́ князи ва́ша, вси язы́цы восплещит́е рука́ми, я́ко взы́де Христóс, иде́же бе пéрвее.

Стих: **Мене́ ждут пра́ведницы, дóндеже возда́си мне.**

Та же стихи́ра.

На 8. Стих: **Из глубины́ воззва́х к Тебе́, Гóсподи, Гóсподи, услы́ши глас мой.**

Гóсподи, Твоему́ Вознесéнию удиви́шася Херувими́, зря́ще Тебе́ Бо́га на óблацех восходя́ща, на них сидя́щаго: и сла́вим Тя, я́ко блага́ мило́сть Твоя́, сла́ва Тебе́.

Стих: **Да бу́дут у́ши Твой́ внéмлюще гла́су молéния моего́.**

На гора́х святы́х зря́ще Твое́ Вознесéние Христé, сия́ние сла́вы О́тчи, воспева́ем Твой́ светообра́зный лица́ зрак, кла́няемся страсте́м Твои́м, почита́ем Воскресéние, сла́вное Вознесéние сла́вяще: помилуй нас.

На 6. Стих: **Аще беззакóния на́зриши, Гóсподи, Гóсподи, кто постои́т? Я́ко у Тебе́ очи́щение е́сть.**

Гóсподи, апо́столи я́ко видеша Тя, на óблацех возно́сима, рыда́нием слез, Жизнода́вче Христé, скóрби исполня́еми, рыда́юще глаго́лаху: Влады́ко, не оста́ви нас си́рых, ихже за милосéрдие возлюбил еси́ рабы́ Твоя́, я́ко Благоутро́бен, но послí я́коже обеща́л еси́ нам, Пресвята́го Твоего́ Ду́ха, просвеща́юща ду́ши на́ша.

Стих: **Имене́ ра́ди Твоего́ потерпéх Тя, Гóсподи, потерпé душá моя́ в сло́во Твое́, упова́ душá моя́ на Гóспода.**

Гóсподи, смотре́ния соверши́в та́инство, по́йм Твоя́ ученики́ на го́ру Елео́нскую, возно́сился еси́, и се твердь небéсную прошéл еси́, мене́ ра́ди обнища́вый по мне: и возше́д отону́дуже не разлучи́лся еси́, Всесвята́го Твоего́ Ду́ха низпослí, просвеща́юща ду́ши на́ша.

Стихи́ры блж. Ксени́и, глас 8:

На 4. Стих: **От стра́жи у́тренния до но́щи, от стра́жи у́тренния, да упова́ет Израи́ль на Гóспода.**

Блаже́нная Ксéние богому́драя, чи́стая твоя́ душá, правове́рным смы́слом сия́ющи и облиста́ющи добродéтелей свéтлостью, озаря́ет ве́рных исполне́ние, бесóвскую тьму отгоня́ющи. Те́мже тя, я́ко прича́стницу невечéрняя благода́ти, ублажа́ем благоче́стно вси, досточу́дная.

Стих: **Я́ко у Гóспода мило́сть, и мно́гое у Него́ избавле́ние, и Той изба́вит Израи́ля от всех беззакóний его.**

Та же стихи́ра.

На 2. Стих: **Хвалите́ Гóспода вси язы́цы, похвалите́ Егó вси лю́дие.**

Блаже́нная ма́ти, основáние положи́вши добродéтели, дрéвняго челове́ка с похоты́ми совлéкшися, во Христá облекла́ся еси́ вои́стину. Те́мже и победи́ла еси́ мно́гая вра́жия

ополчения, наставница была еси многим людем града святаго Петра, Ксение достохвальная.

Стих: Яко утвердися милость Его на нас, и истина Господня пребывает во век.

Богоугодным житием укрепляющися, страсти плотския от души отгнала еси, угоднице Христова, темже к Божественной жизни преставилася еси и с лики праведных водворяешися. Сего ради почитаем тя священными песнями и радостно восхваляем, Ксение всеблаженная.

Слава, стихира блж. Ксении, глас 6:

Кто не удивится, кто не прославит, кто не воспоет во Христе мудрое и преславное житие твое, матери Ксение, яко и по святем преставлении твоём подавши притекающим верою врачевание богатное. Темже воспеваем Благодарителя Бога, явившаго тя, блаженную, ко исцелению душ и телес наших.

И ныне, стихира праздника, глас тойже:

Недр Отческих не разлучься, сладчайший Иисусе, и с земными яко Человек пожив, днесь от горы Елеонския вознеслся еси во славе, и падшее естество наше милостивно вознес, Отцу спосади еси. Темже Небеснии Безплотных чинове, чудеси удивляющесе, ужасхуся ужасом, и трепетом содержи ми, Твое человеколюбие величаху. С нимиже и мы земнии, еже к нам Твое снисхождение, и еже от нас Вознесение славословяще, молимся глаголюще: ученики, и рождшую Тя Богородицу, радости безчисленные исполнивый во Твое Вознесение, и нас сподоби избранных Твоих радости, молитвами их, великия ради Твоея милости.

ВХОД С КАДИЛОМ:

Диакон: Премудрость прости

Хор: Свете Тихий святых славы Безсмертнаго Отца Небеснаго, Святаго, Блаженнаго, Иисусе Христе! Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот дай; темже мир Тя славит.

Диакон: Вонмем.

Иерей: Мир всем.

Хор: И духови твоему.

Диакон: Премудрость вонмем.

ПРОКИМЕН ВЕЧЕРНИ:

Прокимен, **глас 6:** **Помощь моя от Господа, сотворшаго небо и землю.**

Хор: **Помощь моя от Господа, сотворшаго небо и землю.**

Диакон: Возведох очи мой в горы, отнюдуже придет помощь моя.

Хор: **Помощь моя от Господа, сотворшаго небо и землю.**

Диакон: Помощь моя от Господа.

Хор: **Сотворшаго небо и землю.**

ПАРИМИИ

Блж. Ксении:

Диакон: Премудрость.

Чтец: Премудрости Соломоновы чтение.

Диакон: Вонмем.

Чтец: Праведных души в руце Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим аще и муку примут,

упованіе их безсмертія исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле искуси их, и яко всеплодие жертвенное прият я. И во время посещения их возсияют и, яко искры по стоблию, потекут. Судят языком и обладают людми, и воцарится Господь в них во веки. Надѣющіиися Нань разумѣют истину и вернии в любви пребудут Ему. Яко благодать и милость в преподобных Его, и посещение во избранных Его.

Диакон: Премудрость.

Чтец: Премудрости Соломоновы чтение.

Диакон: Вонмем.

Чтец: Праведницы во веки живут, и в Господе мзда их, и попечение их у Вышняго. Сего ради примут Царствие благодетия и венец доброты от руки Господни, зане десницею покрывает я и мышцею защитит их. Примет всеоружие рвение Свое и вооружит тварь в месть врагом. Облечется в броня правды и возложит шлем, суд нелицемерен. Примет щит непобедимый, преподобне. Поострит же напрасный гнев во оружие; споборет же с ним мир на безумныя. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады, вознегодует на них вода морская, реки же потопят я нагло. Спротив станет им дух силы, и, яко вихор, развѣет их, и опустошит всю землю беззаконие, и злодейство превратит престолы сильных. Слышите убо, царие, и разумейте, навыкните, судий концев земли. Внушите, держащий множества и гордящийся о народах языков, яко дана есть от Господа держава вам и сила от Вышняго.

Диакон: Премудрость.

Чтец: Премудрости Соломоновы чтение.

Диакон: Вонмем.

Чтец: Праведник, аще постигнет скончаться, в покое будет. Старость бо честна не многолетна, ниже в числе лет исчитается. Седина же есть мудрость человеком, и возраст старости житие нескверное. Благоугоден Богу быв, возлюблен бысть, и живый посреде грешник преставлен бысть. Восхищен бысть, да не злоба изменит разума его, или леть прельстит душу его. Рачение бо злобы помрачает добрая, и парение похоти переменяет ум незлобив. Скончався в мале, исполни лета долга. Угодна бо бе Господеви душа его, сего ради потщася от среды лукавствия. Людие же видевшие и не разумевше, ниже положше в помышлении таковы. Яко благодать и милость в преподобных Его и посещение во избранных Его.

Иерей: Мир ти.

Чтец: И духови твоему.

ЕКТЕНИЯ СУГУБАЯ:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды на каждое прошение)*

Диакон: Еще молимся о Великом Господине и Отце нашем Святѣйшем Патриархе Кирилле, и о Господине нашем Высокопреосвященнейшем *митрополите (или: архиепископе, или: преосвященнейшем епископе иярек)*, и всей во Христѣ братии нашей.

Ещё молимся о Богохранимемей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателях святого храма сего, и о всех преждепочивших отцах и братьях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

СПОДОБИ, ГОСПОДИ:

Хор на 8 глас: Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь. Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправданием Твоим. Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

ЕКТЕНИЯ ПРОСИТЕЛЬНАЯ:

Диакон: Исполним вечернюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Буди держава Царствия Твоего благословена и препрославлена. Отца и Сына и Святаго Духа, ныне и присно и во веки веков.

Хор: Аминь.

СТИХИРЫ НА СТИХОВНЕ, ГЛАС 2:

Канонарх: Глас второй, Родился еси яко Сам восхотел еси.

Стихиры праздника, глас 2:

Хор:

Родился еси яко Сам восхотел еси, явился еси яко Сам избволил еси: пострадал еси плотию Божье наше, из мертвых воскресл еси поправ смерть. Вознеслся еси во славе, всяческая исполняя, и послал еси нам Духа Божественного, еже воспевати и славити Твое Божество.

Стих 1: Все языцы воспещите руками, воскликните Богу гласом радования.

Восприемлему Тебе Христе от горы Масличной, Силы зряще, друг другу вопияху: кто есть Сей? И глаголет к ним: Сей есть Державный и Сильный, Сей есть сильный в брани, Сей есть воистинну Царь славы. И почто Ему червлены ризы? Из Восора приходит, еже есть плоти. Ты же Сам яко Бог одесную сед величества, послал еси нам Духа Святаго, да наставит и спасет души наша.

Стих 2: Взъиде Бог в воскликновении, Господь во гласе трубне.

Вознеслся еси во славе на горе Масличной Христе Божье, пред Твоими ученики, и сел еси одесную Отца, всяческая исполняя Божеством, и послал еси им Духа Святаго, просвещающая и утверждающая, и освящающая души наша.

Слава, стихира блж. Ксении, глас 4:

Ангельское житие на земли явила еси, Ксение всеблаженная, источниче умиления, милости течение, пучино чудес, струе исцелений, маслино Божия воистину плодовита, елеем трудов твоих просвещающая верно хвалящих тя. Моли Человеколюбца от бед избавити любовьию чтущих всечестную память твою.

И ныне, стихира праздника, глас 6:

Въиде Бог в воскликновении, Господь во гласе трубне, еже вознести падший образ Адамов, и послати Духа Утешителя, еже освятити души наша.

Молитва святого симео́на богоприимца:

Хор на 6 глас: Ныне отпускаеши раба Твоего, Владыко, по глаголу Твоему, с миром; яко видеста очи мои спасение Твое, еже еси уготовал пред лицом всех людей, свет во откровение языков, и славу людей Твоих Израиля.

ТРИСВЯТОЕ ПО ОТЧЕ НАШ:

Святый Божье, Святый Крепкий, Святый Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Амѣнь.

ТРОПАРІ ПО ТРИСВЯТОМ:

Тропарь блж. Ксении, глас 7:

Нищетѹ Христѹву возлюбѣвши, безсмѣртныя трапѣзы ныне наслаждаѣшия, безѹмием мнѣмым безѹмие мѣра обличѣвши, смиреніем крѣстным сілу Бѹжю воспріяла есі, сего рѣди дар чудодѣйственныя помоци стяжавшая, Ксѣние блаженная, моли Христа Бѹга избѣвитися нам от всякаго зла покаяніем.

Слава и ныне, тропарь праздника, глас 4:

Вознѣслся есі во славе, Христѣ Бѹже наш, радѹсть сотворѣвый учеником, обетованіем Святаго Дѹха, извещѣнным им бѣвшим благословѣніем, яко Ты есі Сын Бѹжий, Избѣвитель мѣра.

Диакон: Премѹдрость.

Хор: Благослові.

Иерей: Сый благословѣн Христѹс Бог наш, всегда, ныне и прѣсно и во вѣки векѹв.

Хор: Амѣнь. Утверди, Бѹже, святѹю православною вѣру, православных христиѣн во век века.

Когда ѹтренняя не присоединяется к вечерни, окончаніе такѹе:

Иерей: Пресвятѣя Богородице, спаси нас.

Хор: Честнѣйшую Херувѣм и Славнейшую без сравнѣния Серафѣм, без ислѣнія Бѹга Слова рѹждшую, сѹщую Богородицу, Тя величаѣм.

Иерей: Слава Тебѣ, Христѣ Бѹже, Упованіе наше, слава Тебе.

Хор: Слава Отцѹ и Сыну и Святому Дѹху, и ныне и прѣсно и во вѣки векѹв. Амѣнь. Гѹсподи, помѣлуй. (Трѣжды) Благослові.

Иерей: *Произносит праздничный или дневной отпуст.*

Хор: Великаго Господѣна и Отца нашего Кирилла, Святѣйшаго Патриѣрха Московскаго и всея Русѣ, и Господѣна нашего (Высоко)Преосвященнейшаго (имярек), (архи)епѣскопа (митрополита (титул)), богохранѣмую странѹ нашу Россѣйскую, настоятеля, брѣтию и прихѹжан святаго храма сего и вся православыныя христиѣны, Гѹсподи, сохрани их на многая лѣта.

УТРЕНЯ

Иерей: Сла́ва Святе́й, и Единосущней, и Животворящей, и Нераздельней Троице всегда́, ны́не и прѣсно, и во ве́ки веко́в.

Хор: Ами́нь.

ШЕСТОПСАЛМИЕ:

Чтец:

Сла́ва в вы́шних Бо́гу, и на землі мир, в челове́цех благоволе́ние. (*Трижды*).

Го́споди, устне́ мои отвѣрзеши, и уста́ моя возвестя́т хвалу́ Твою́. (*Дважды*).

Псалом 3:

Го́споди, что ся умно́жиша стужа́ющие ми́? Мнози востаю́т на мя, мнози глаго́лют души́ мое́й: несть спасе́ния е́му в Бо́зе егѡ. Ты же, Го́споди, Засту́пник мой еси́, сла́ва моя́ и возно́сяй главу́ мою́. Гла́сом моимъ ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Господь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зу́бы грѣшников сокруши́л еси́. Господне́ есть спасе́ние, и на лю́дех Твои́х благослове́ние Твое́.

Аз усну́х, и спях, воста́х, я́ко Господь засту́пит мя.

Псалом 37:

Го́споди, да не я́ростию Твоею́ обличи́ши мене́, ниже́ гне́вом Твоимъ нака́жеша мене́. Я́ко стрѣлы Твоя́ унзо́ша во мене, и утверди́л еси́ на мене́ ру́ку Твою́. Нестъ исцеле́ния в плѡти мое́й от лица́ гне́ва Твоегѡ, несть ми́ра в косте́х мои́х от лица́ грехъ мои́х. Я́ко беззакѡ́ния моя́ превзыдо́ша главу́ мою́, я́ко бре́мя тяжкое́ отяготѣша на мене. Возсмерде́ша и согни́ша ра́ны моя́ от лица́ безу́мия моего́. Пострада́х и сляко́хся до конца́, весь день се́туя хожда́х. Я́ко лядвѣя моя́ напо́лнишася поруга́ний, и несть исцеле́ния в плѡти мое́й. Озло́блен бых и смири́хся до зела́, рыка́х от воздыха́ния се́рдца моего́. Го́споди, пред Тобо́ю все жела́ние мое́ и воздыха́ние мое́ от Тебе́ не утайся. Се́рдце мое́ смяте́ся, оста́ви мя си́ла моя́, и свет о́чию моею́, и той несть со мно́ю. Дру́зи мои́ и и́скреннии мои́ прѣ́мо мне прибли́жишася и ста́ша, и бли́жнии мои́ отдалече́ мене́ ста́ша и нужда́хуся и́щущи ду́шу мою́, и и́щущи зла́я мне глаго́лаху суетна́я и льсти́внымъ весь день поуча́хуся. Аз же я́ко глухъ не слы́шах и я́ко немъ не отверза́я уст свои́х. И быхъ я́ко человекъ не слы́шай и не имѣ́й во усте́х свои́х обличе́ния. Я́ко на Тя, Го́споди, упова́х, Ты услы́шиши, Го́споди Бо́же мой. Я́ко рехъ: да не когда́ пора́дуют ми ся врази́ мои́: и внегда́ подвижа́тися нога́мъ моимъ, на мя велере́чеваша. Я́ко аз на ра́ны гото́в, и болѣзнь моя́ предо мно́ю есть вѣ́ну. Я́ко беззакѡ́ние мое́ аз возвещу́ и попеку́ся о гресе́ моемъ. Врази́ же мои́ живу́т и укрепѣ́шася па́че мене́, и умно́жишася ненави́дящии мя без пра́вды. Воздаю́щии ми зла́я возблага́я оболга́ху мя, зане́ гоня́хъ благосты́ню. Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Псалом 62:

Бо́же, Бо́же мой, к Тебе́ у́треннюю, возжада́ Тебе́ душа́ моя́, коль мно́жицею Тебе́ плоть моя́, в землі пу́сте и непрохо́дне, и безво́дне. Та́ко во святѣ́м яви́хся Тебе́, ви́дети си́лу Твою́ и сла́ву Твою́. Я́ко лу́чши ми́лость Твоя́ па́че живо́т, устне́ мои́ похвалѣ́те Тя. Та́ко благословлю́ Тя в животе́ моемъ, о имени́ Твоемъ воздежу́ ру́це мои́. Я́ко от ту́ка и ма́сти да испо́лнится душа́ моя́, и устна́ма ра́дости восхва́лят Тя уста́ моя́. А́ще помѣна́хъ Тя на постѣ́ли мое́й, на у́треннихъ поуча́хся в Тя. Я́ко былъ еси́ Помо́щникъ мой, и в кро́ве крилу́ Твоею́ возра́дуюся. Прильпе́ душа́ моя́ по Тебе́, мене́ же прѣ́ят десни́ца Твоя́. Ти́и же всу́е иска́ша ду́шу мою́, вни́дут в преиспо́дня землі́, преда́дутся в ру́ки ору́жия, ча́сти

лісовом будуть. Царь же возвеселітся о Бóзе, похвалітся всяк кленійся Им, яко заградішася уста глагóлющих неправедная.

На ўтренних поучахся в Тя. Яко был есі Помóщник мой, и в крóве крилу́ Твоёю возра́дуюся. Прильпé душа́ моя́ по Тебé, менé же при́ят десні́ца Твоя́.

Сла́ва Отцú и Сы́ну и Свято́му Дúху, и ны́не и прісно и во ве́ки веко́в. Ами́нь.
Аллилу́иа, аллилу́иа, аллилу́иа, сла́ва Тебé Бóже. (*Три́жды*).

Го́споди помі́луй, (*Три́жды*).

Сла́ва Отцú и Сы́ну и Свято́му Дúху, и ны́не и прісно и во ве́ки веко́в. Ами́нь.

Псалóм 87:

Го́споди Бóже спасéния моего́, во дни воззва́х, и в но́щи пред Тобóю. Да внідет пред Тя моли́тва моя́: приклоні́ ўхо Твое́ к молéнию моему́, яко испо́лнися зол душа́ моя́, и живóт мой аду прибли́жися. Привменéн бых с низходя́щими в ров, бых яко человек без по́мощи, в мёртвых свобóдь, яко я́звеннии спя́щии во грóбе, ихже не помяну́л есі́ ктому́, и тии от ру́ки Твоея́ отринóвєни бы́ша. Положи́ша мя в рóве преиспо́днем, в тёмных и сєни смёртней. На мне утверди́ся я́рость Твоя́, и вся во́лны Твоя́ навёл есі́ на мя. Уда́лил есі́ зна́емых мо́их от менé, положи́ша мя мёрзость себе́: прѣдан бых и не исхожда́х. Очи мо́и изнемогóсте от нищеты́, воззва́х к Тебé, Го́споди, весь день, воздѣх к Тебé ру́це мо́и. Еда́ мёртвыми твори́ши чудеса́? Или́ вра́чеве воскреся́т, и исповѣ́дятся Тебé? Еда́ пове́сть кто во грóбе ми́лость Твою́, и і́стину Твою́ в погі́бели? Еда́ познана́ будут во тьме чудеса́ Твоя́, и пра́вда Твоя́ в землі́ забвѣнней? И аз к Тебé, Го́споди, воззва́х и ўтро моли́тва моя́ предварі́т Тя. Вскю́ю, Го́споди, отрѣеши́ дúшу мою́, отвраща́еши лице́ Твое́ от менé? Нищ есмь аз, и в трудѣх от ю́ности моея́; вознѣс же ся, смири́хся, и изнемогóх. На мне преидóша гнѣви Тво́и, устрашѣ́ния Твоя́ возмуті́ша мя, обыдо́ша мя яко вода́, весь день одержа́ша мя вку́пе. Уда́лил есі́ от менé дру́га и і́скренняго, и зна́емых мо́их от страсте́й.

Го́споди Бóже спасéния моего́, во дни воззва́х, и в но́щи пред Тобóю. Да внідет пред Тя моли́тва моя́: приклоні́ ўхо Твое́ к молéнию моему́.

Псалóм 102:

Благослови́, душе́ моя́, Го́спода, и вся вну́тренняя моя́ і́мя святое́ Егó. Благослови́, душе́ моя́, Го́спода, и не забыва́й всех воздая́ний Егó, очища́ющаго вся беззакóнія твоя́, исцеля́ющаго вся недúги твоя́, избавля́ющаго от истлѣ́ния живóт твой, венча́ющаго тя ми́лостью и щедрóтами, исполня́ющаго во благі́х желáние твоё: обнові́тся яко о́рля ю́ность твоя́. Твори́й ми́лостыни Госпо́дь, и судьбу́ всем обі́димым. Сказа́ пути́ Своя́ Моисе́ови, сыновóм Изра́иловым хотѣ́ния Своя́: Щедр и Ми́лостив Госпо́дь, Долготерпелі́в и Многоми́лостив. Не до конца́ прогнѣ́вается, ниже́ во век враждúет, не по беззакóнием нашим сотвори́л есть нам, ниже́ по грехóм нашим возда́л есть нам. Яко по высотé небѣсней от землі́, утверди́л есть Госпо́дь ми́лость Свою́ на боя́щихся Егó. Ели́ко отстоя́т востóцы от запа́д, уда́лил есть от нас беззакóнія наша́. Якоже ще́дрит отѣц сы́ны, ущѣдри́ Госпо́дь боя́щихся Егó. Яко Той позна́ создáние наше, помяну́, яко персть есмь. Человек, яко трава́ днѣе егó, яко цвет сѣльный, та́ко оцветѣ́т, яко дух прóйде в нем, и не бúдет, и не позна́ет ктому́ мѣста своего́. Ми́лость же Госпо́дня от ве́ка и до ве́ка на боя́щихся Егó, и пра́вда Егó на сынѣх сыно́в, храня́щих завет́ Егó, и по́мнящих за́поведи Егó твори́ти я́. Госпо́дь на Небеси́ угото́ва Престо́л Свой, и Ца́рство Егó всѣми́ облада́ет. Благослови́те Го́спода вси́ А́нгели Егó, си́льнии крѣпостию́, твори́щии сло́во Егó, услы́шати глас словѣс Егó. Благослови́те Го́спода вся́ Сі́лы Егó, слугі́ Егó, твори́щии во́лю Егó. Благослови́те Го́спода вся́ дела́ Егó, на вся́ком мѣсте влады́чества Егó, благослови́, душе́ моя́, Го́спода.

На вся́ком мѣсте влады́чества Егó, благослови́, душе́ моя́, Го́спода.

Псалóм 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уни во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*.

ВЕЛИКАЯ ЕКТЕНИЯ.

Диакон: Миром Господу помолимся.

Хор: Господи, помилуй. *(На каждое прошение)*

Диакон: О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святѣйшем Патриархе Кирилле, и о Господине нашем, Высокопреосвященнейшем митрополите (или: архиепископе, или: преосвященнейшем епископе имярѣк), честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздухов, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

ТРОПАРИ НА БОГ ГОСПОДЬ, ГЛАС 4:

Диакон: Бог Господь, и явися нам, благословен Грядый во Имя Господне.

Стих 1: Исповедайтесь Господеви, яко благ, яко в век милость Его.

Хор, глас 4: Бог Господь, и явися нам, благословен Грядый во Имя Господне.

(И далее на каждый стих)

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повею дела Господня.

Стих 4: Камень, Егже небрегоша зиждущии, Сей бисть во главу угла, от Господа бысть Сей, и есть дивен во очесех наших.

Хор:

Тропарь праздника, глас 4:

Вознеслся еси во славе, Христе Боже наш, радость сотворивый учеником, обетованием Святаго Духа, извещенным им бывшим благословением, яко Ты еси Сын Божий, Избавитель мира.

(Дважды)

Слава, тропарь блж. Ксении, глас 7:

Нищету Христову возлюбивши, безсмертныя трапезы ныне наслаждаешися, безумием мнимым безумие мира обличивши, смирением крестным силу Божию восприяла еси, сего ради дар чудодейственных помощи стяжавшая, Ксении блаженная, моли Христа Бога избавитися нам от всякаго зла покаянием.

И ныне, тропарь праздника, глас 4:

Вознеслся еси во славе, Христе Боже наш, радость сотворивый учеником, обетованием Святаго Духа, извещенным им бывшим благословением, яко Ты еси Сын Божий, Избавитель мира.

КАФИЗМЫ:

Хор: Господи, помилуй *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

КАФИЗМА ДЕВЯТНАДЦАТАЯ

Псалом 134

Хвалите имя Господне, хвалите, рабы Господа, стоящие во храме Господни, во дворех дому Бога нашего. Хвалите Господа, яко благ Господь, пойте имени Его, яко добро: яко Иакова избрав Себе Господь, Израиля в достояние Себе. Яко аз познах, яко велий Господь, и Господь наш над всеми боги. Вся елика восхотел Господь, сотвори на небеси и на земли, в морях и во всех безднах. Возводя облаки от последних земли, молнии в дождь сотвори, изводя ветры от сокровищ Своих. Иже порази первенцы Египетския, от человека до скота. Посла знамения и чудеса посреде Тебе, Египте, на фараона и на вся рабы его. Иже порази языки многи и избил царя крепки: Сиона, царя Аморрейска, и Ога, царя Васанска, и вся царствия Ханаанска, и даде землю их достояние, достояние Израилю, людем Своим. Господи, имя Твое в век и память Твоя в род и род: яко судити иматъ Господь людем Своим, и о рабах Своих умолится. Идоли язык, сребро и злато, дела рук человеческих. Уста имут, и не возлагут, очи имут, и не узрят, уши имут, и не услышат, ниже бо есть дух во устех их. Подобни им да будут творящие я, и вси надеющиеся на ня. Доме Израилев, благословите Господа, доме Ааронь, благословите Господа, доме Левийин, благословите Господа. Боящиеся Господа, благословите Господа. Благословен Господь от Сиона, живый во Иерусалиме.

Псалом 135

Исповéдайтеся Гóсподеви, я́ко благ, я́ко в век мýлость Егó. Исповéдайтеся Бóгу богóв, я́ко в век мýлость Егó. Исповéдайтеся Гóсподеви господéй, я́ко в век мýлость Егó. Сотвóршему чудеса́ вéлия едýному, я́ко в век мýлость Егó. Сотвóршему небеса́ рáзумом, я́ко в век мýлость Егó. Утвердýвшему зéмлю на вода́х, я́ко в век мýлость Егó. Сотвóршему свети́ла вéлия едýному, я́ко в век мýлость Егó. Со́лнце во óбласть дне, я́ко в век мýлость Егó. Лунú и звéзды во óбласть но́щи, я́ко в век мýлость Егó. Порази́вшему Егýпта с пёрвенцы егó, я́ко в век мýлость Егó, и извéдшему Изра́иля от среды́ их, я́ко в век мýлость Егó. Руко́ю крéпкою и мýщцею высóкою, я́ко в век мýлость Егó. Раздéльшему Чермнóе мóре в разделéния, я́ко в век мýлость Егó. И провéдшему Изра́иля посреде́ егó, я́ко в век мýлость Егó. И истрýсшему фараóна и сýлу егó в мóре Чермнóе, я́ко в век мýлость Егó. Провéдшему лю́ди Сво́я в пусты́ни, я́ко в век мýлость Егó. Порази́вшему царé вéлия, я́ко в век мýлость Егó, и убíвшему царé крéпкия, я́ко в век мýлость Егó: Сиóна, царя́ Аморре́йска, я́ко в век мýлость Егó, и Ога, царя́ Васáнска, я́ко в век мýлость Егó. И да́вшему зéмлю их достоя́ние, я́ко в век мýлость Егó. Достоя́ние Изра́илю, рабú Своему́, я́ко в век мýлость Егó. Я́ко во смире́нии на́шем помяну́ ны Госпо́дь, я́ко в век мýлость Егó. И избáвил ны есть от врагóв на́ших, я́ко в век мýлость Егó. Да́й пи́щу вся́кой плóти, я́ко в век мýлость Егó. Исповéдайтеся Бóгу небéсному, я́ко в век мýлость Егó.

Псалом 136

На река́х Вавилóнских, та́мо седóхом и пла́кахом, внегда́ помяну́ти нам Сиóна. На вёрби́их посреде́ егó обéсихом орга́ны на́ша. Я́ко та́мо вопроси́ша ны плéншии нас о словеса́х пéсней и вéдшии нас о пéнии: воспóйте нам от пéсней Сиóнских. Ка́ко воспоём пeснь Госпо́дню на землé чуждéй? А́ще забúду тебе́, Иерусали́ме, забвéна бúди десни́ца моя́. Прильпни́ язы́к мой гортáни моему́, а́ще не помяну́ тебе́, а́ще не предложú Иерусали́ма, я́ко в нача́ле весéлия моего́. Помяни́, Гóсподи, сы́ны Едо́мския, в день Иерусали́мль глаго́лющыя: истощáйте, истощáйте до основа́ний егó. Дщи Вавилóня ока́нная, блаже́н íже возда́ст тебе́ воздая́ние твоё, е́же воздалá еси́ нам. Блаже́н íже имéт и разбиёт младе́нцы тво́я о ка́мень.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прýсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бóже. *(Трижды)*

Гóсподи, помýлуй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прýсно и во ве́ки веко́в. Ами́нь.

Псалом 137

Испове́мся Тебе́, Гóсподи, всем се́рдцем мо́им, и пред А́нгелы воспою́ Тебе́, я́ко услы́шал еси́ вся глаго́лы уст мо́их. Поклоню́ся ко хра́му свято́му Твоему́ и испове́мся и́мени Твоему́ о мýлости Твоёй и и́стине Твоёй, я́ко возвели́чил еси́ над всем и́мя Твоё свято́е. Во́ньже а́ще день призовú Тя, скóро услы́ши мя: умно́жиши мя в души́ моёй сýлою Твоёю. Да испове́дятся Тебе́, Гóсподи, вси ца́рие зéмстии, я́ко услы́шаша вся глаго́лы уст Тво́их, и да воспою́т в путéх Госпо́дних, я́ко вéлия сла́ва Госпо́дня, я́ко высóк Госпо́дь, и смире́нныя призира́ет, и высóкая издалéча весть. А́ще пойду́ посреде́ скóрби, живи́ши мя, на гнев враг мо́их простéрл еси́ руку́ Твою́, и спасé мя десни́ца Тво́я. Госпо́дь возда́ст за мя. Гóсподи, мýлость Тво́я во век, дел руку́ Твоёю не прэзри.

Псалом 138

Гóсподи, искуси́л мя еси́ и позна́л мя еси́. Ты позна́л еси́ седáние моё и востáние моё. Ты разумéл еси́ помышлéния моя́ издалéча: стезю́ мою́ и úже моё Ты еси́ изслéдовал, и вся пути́ моя́ провёдел еси́. Я́ко несть льсти́ в язы́це моём: се, Гóсподи, Ты позна́л еси́. Вся

последняя и древняя: Ты создал еси мя, и положил еси на мне руку Твою. Удивился разум Твой от мене, утвердися, не возмогу к нему. Камо пойду от Духа Твоего? И от лица Твоего камо бежу? Аще взыду на небо – Ты тамо еси, аще сниду во ад – тамо еси. Аще возьму криле мой рано и вселюся в последних моря – и тамо бо рука Твоя наставит мя и удержит мя десница Твоя. И рех: еда тма поперет мя, и ночь просвещение в сладости моей? Яко тма не помрачится от Тебе, и ночь, яко день, просветится, яко тма ея, тако и свет ея. Яко Ты создал еси утробы моя, восприял мя еси из чрева матери моея. Исповемся Тебе, яко страшно удивился еси: чудна дела Твоя, и душа моя знает зело. Не утайся кость моя от Тебе, юже сотворил еси в тайне, и состав мой в преисподних земли. Несоделанное мое видесте очи Твой, и в книге Твоей вси напишутся, во днех созиждутся и никтоже в них. Мне же зело честно быша друзи Твой, Боже, зело утвердишася владычества их. Изочту их, и паче песка умножатся; востах, и еще есмь с Тобю. Аще избиеш грешники, Боже, мужие кровей, уклонитесь от мене. Яко ревниви есте в помышлениях, примут в суету грады Твоя. Не ненавиждящия ли Тя, Господи, возненавидех, и о вразех Твоих истях? Совершенною ненавистию возненавидех я, во враги быша ми. Искуси мя, Боже, и увещай сердце мое, истязи мя и разумей стези моя, и виждь, аще путь беззакония во мне, и настави мя на путь вечен.

Псалом 139

Изми мя, Господи, от человека лукава, от мужа неправедна избави мя, иже помыслиша неправду в сердце, весь день ополчаху брани, изостриша язык свой, яко змиин, яд аспидов под устнами их. Сохрани мя, Господи, из руки грешничи, от человек неправедных изми мя, иже помыслиша запяти стопы моя. Скрыша гордии сеть мне, и ужы препяша сеть ногама мойма. При стези соблазны положиша ми. Рех Господеви: Бог мой еси Ты, внуши, Господи, глас моления моего. Господи, Господи, сило спасения моего, осенил еси над главою моею в день брани. Не предаждь мене, Господи, от желания моего грешнику: помыслиша на мя, не остави мене, да не когда вознесутся. Глава окружения их, труд устен их покрывает я. Падут на них углия огненная, низложши я в страстех, и не постоят. Муж язычен не исправится на земли: мужа неправедна злая уловят во истление. Познах, яко сотворит Господь суд нищим и месть убогим. Обаче праведнии исповедятся имени Твоему, и вселятся правии с лицом Твоим.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 140

Господи, воззвах к Тебе, услыши мя: вонми гласу моления моего, внемди воззвати ми к Тебе. Да исправится молитва моя, яко кадило пред Тобю, воздеяние руку моею – жертва вечерняя. Положи, Господи, хранение устам моим, и дверь ограждения о устнах моих. Не уклони сердце мое в словеса лукавствия, непщевати вины о гресех, с человеки делующими беззаконие, и не сочтуса со избранными их. Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениях их. Пожертвы быша при камени судий их: услышатся глаголи мой, яко возмоща. Яко толща земли проседеса на земли, расточашася кости их при аде. Яко к Тебе, Господи, Господи, очи мой: на Тя уповах, не отыми душу мою. Сохрани мя от сети, юже составиша ми, и от соблазн делующих беззаконие. Падут во мрежу свою грешницы: един есмь аз, дондеже перейду.

Псалом 141

Гласом моим ко Господу возвах, гласом моим ко Господу помолихся. Пролию пред Ним моление мое, печаль мою пред Ним возведу. Внегда исчезати от мене духу моему: и Ты познал еси стези моя: на пути сем, по немуже хождях, скрisha сеть мне. Смотрях одесную и возглядах, и не бе знаяй мене: погибе бегство от мене, и несть разыскай душу мою. Возвах к Тебе, Господи, рех: Ты еси упование мое, часть моя еси на земли живых. Вонми молению моему, яко смирихся зело, избави мя от гонящих мя, яко укрепилшася паче мене. Изведи из темницы душу мою, исповедатися имени Твоему. Мене ждут праведницы, дондеже воздаси мне.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвых века. И уни во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящему в ров. Слышану сотвори мне заутра милость Твою, яко на Тя уповах. Скажи мне, Господи, путь вонуже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды).*

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Чтец:

По 1-м стихословии седален праздника, глас 1:

Ангелом дивящимся восхода странному, и учеником ужасающимся страшному взытия, возшел еси со славою яко Бог, и врата Тебе взяшася Спасе. Сего ради силы небесныя дивляхуся вопиюще: слава низхождению твоему Спасе, слава царствию Твоему, слава Вознесению Твоему, Единому Человеколюбче.

Слава, и ныне, тойже седален праздника:

Ангелом дивящимся восхода странному, и учеником ужасающимся страшному взытия, возшел еси со славою яко Бог, и врата Тебе взяшася Спасе. Сего ради силы небесныя

дивляхуся вопію́ще: сла́ва снизхожде́нию твоему́ Спа́се, сла́ва ца́рствию Твоему́, сла́ва Вознесе́нию Твоему́, Еди́не Человеколю́бче.

Хор: Го́споди, поми́луй *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прісно и во ве́ки веко́в. Ами́нь.

КАФИ́ЗМА ДВАДЦА́ТАЯ

Псалом 143

Благослове́н Госпо́дь Бог мой, науча́яй ру́це мой на ополче́ние, пе́рсты мой на брань. Ми́лость моя́ и прибе́жище моё, Засту́пник мой и Изба́витель мой, Защи́титель мой, и на Него́ упова́х: повину́яй лю́ди мой под мя. Го́споди, что есть челове́к, јако позна́лся еси́ ему́? Или́ сын челове́чь, јако вменя́еши его́? Челове́к суете́ уподо́бися: дние́ его́ јако сень прехо́дят. Го́споди, приклоні́ небеса́, и сніди, косні́ся гора́м, и воздыма́тся. Блесні́ мо́лнию, и разжене́ши я́, послі́ стрéлы Твоя́, и смяте́ши я́. Послі́ ру́ку Твою́ с высоты́, измі́ мя и изба́ви мя от вод мно́гих, из ру́ки сыно́в чужди́х, ихже уста́ глаго́лаша суету́, и десни́ца их – десни́ца неправды. Бо́же, песнь но́ву воспою́ Тебе́, во псалти́ри десятистру́ннем пою́ Тебе́, даю́щему спасе́ние царём, избавля́ющему Дави́да, раба́ Своего́, от мечá лю́та. Изба́ви мя, и измі́ мя из ру́ки сыно́в чужди́х, ихже уста́ глаго́лаша суету́, и десни́ца их – десни́ца неправды. Ихже сы́нове их јако новоса́ждения водру́женная в ю́ности своёй. Дщэ́ри их удо́брены, преукра́шены, јако подо́бие хра́ма. Храни́лища их испо́лнена, отрыга́ющая от сегó в си́е, о́вцы их многопло́дны, мно́жащяся во исхо́дищах своі́х, воло́ве их то́лсти. Несть паде́ния опло́ту, ниже́ прохода́, ниже́ во́пля в сто́гнах их. Ублажи́ша лю́ди, імже си́я суть. Блаже́ни лю́дие, імже Госпо́дь Бог их.

Псалом 144

Вознесу́ Тя, Бо́же мой, Царю́ мой, и благословлю́ імя́ Твое́ в век и в век ве́ка. На всяк день благословлю́ Тя и восхва́лю імя́ Твое́ в век и в век ве́ка. Вэ́лий Госпо́дь и хва́лен zeló, и вели́чию Его́ несть конца́. Род и род восхва́лят дела́ Твоя́ и си́лу Твою́ возвестя́т. Великоле́пие сла́вы святы́ни Твоея́ возглаго́лют и чудеса́ Твоя́ пове́дят. И си́лу стра́шных Твоі́х реку́т и вели́чие Твое́ пове́дят. Па́мять мно́жества блага́сти Твоея́ отры́гнут и пра́вдою Твоею́ возра́дуются. Щедр и ми́лостив Госпо́дь, Долготерпели́в и Многоми́лостив. Благ Госпо́дь вся́ческим, и щедрóты Его́ на всех дэ́лех Его́. Да испове́дятся Тебе́, Го́споди, вся дела́ Твоя́, и преподо́бнии Твой да благословя́т Тя. Сла́ву Ца́рствия Твоего́ реку́т, и си́лу Твою́ возглаго́лют, сказа́ти сыно́вом челове́ческим си́лу Твою́, и сла́ву великоле́пия Ца́рствия Твоего́. Ца́рство Твое́, Ца́рство всех веко́в, и влады́чество Твое́ во вся́ком ро́де и ро́де. Вэ́рен Госпо́дь во всех словеса́х Своі́х и преподо́бен во всех дэ́лех Своі́х. Утвержда́ет Госпо́дь вся низпа́дающыя и возставля́ет вся низвэ́рженныя. Очи́ всех на Тя упова́ют, и Ты дае́ши им пи́щу во благовре́мени. Отверза́еши Ты ру́ку Твою́ и исполня́еши вся́кое живóтно благово́ления. Пра́веден Госпо́дь во всех путэ́х Своі́х и преподо́бен во всех дэ́лех Своі́х. Близ Госпо́дь всем призыва́ющим Его́, всем призыва́ющим Его́ во істине. Волю́ боя́щихся Его́ сотвори́т и моли́тву их услы́шит и спасёт я́. Храни́т Госпо́дь вся лю́бящыя Его́ и вся грэ́шники потреби́т. Хвалу́ Господню́ возглаго́лют уста́ моя́, и да благослови́т вся́ка плоть імя́ свято́е Его́ в век и в век ве́ка.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прісно и во ве́ки веко́в. Ами́нь.

Псалом 145

Хвали́, душе́ моя, Го́спода. Восхвалю́ Го́спода в животе́ моём, пою́ Бо́гу моему́, донде́же есмь. Не надéйтесь на кня́зи, на сы́ны челове́ческа́я, в ни́хже несть спасéния. Изы́дет дух егó и возврати́тся в зéмлю свою́. В той день поги́бнут вся помышлéния егó. Блажéн, ему́же Бог Иа́ковль помощник егó, упováние егó на Го́спода Бо́га своего́, сотвори́шаго не́бо и зéмлю, мо́ре и вся, я́же в них, храня́щаго и́стину в век, творя́щаго суд обидимым, даю́щаго пи́щу а́лчущим. Господь решит оковáнные. Господь умудря́ет слепцы́. Господь возводит низвэ́рженные. Господь лю́бит пра́ведники. Господь хранит пришéльцы, си́ра и вдову́ при́имет и путь грéшных погуби́т. Воцари́тся Господь во век, Бог твой, Си́оне, в род и род.

Псалом 146

Хвалите́ Го́спода, я́ко благ псалом. Бо́гови нашему́ да услади́тся хвалéние. Зи́ждай Иерусали́ма Господь, разсе́яния Изра́илева соберёт. Исцеля́я сокруше́нные се́рдцем и обяза́я сокруше́ния их. Исчита́я множество звезд и всем им именá нарица́я. Вéлий Господь наш, и вéлия крéпость Егó, и ра́зума Егó несть числа́, Приёмляй крóткия Господь, смиря́я же грéшники до земли́. Начните́ Го́сподеву́ в исповéдании, по́йте Бо́гови нашему́ в гúслех. Одева́ющему не́бо о́блаки, уготовля́ющему земли́ дождь, прозяба́ющему на гора́х траву́ и злак на слúжбу челове́ком, даю́щему скотóм пи́щу их, и птенце́м врановым призыва́ющим Егó. Не в си́ле ко́нстей восхо́щет, ниже́ в лы́стех му́жеских благово́лит. Благово́лит Господь в боя́щихся Егó и во упováющих на ми́лость Егó.

Псалом 147

Похвали́, Иерусали́ме, Го́спода, хвали́ Бо́га Твоегó, Си́оне, я́ко укрепí верей врат Твои́х, благослови́ сы́ны твоя́ в тебе́. Полага́я предéлы Твоя́ мир, и ту́ка пшени́чна насыща́я тя. Посыла́я сло́во Своё земли́, до ско́рости течёт сло́во Егó, даю́щаго снег Свой, я́ко во́лну, мглу, я́ко пéпел, посыпа́ющаго, мета́ющаго го́лоть Свой, я́ко хлéбы. Проти́ву лица́ мра́за Егó кто постои́т? По́слет Сло́во Своё, и истаёт я́, дхнет Дух Егó, и потеку́т воды́. Возвеща́я сло́во Своё Иа́кову, оправда́ния и судьбы́ Своя́ Изра́илеви. Не сотвори́ тако́ вся́кому язы́ку, и судьбы́ Своя́ не яви́ им.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прísно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Го́споди, помíлуй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прísно и во ве́ки веко́в. Ами́нь.

Псалом 148

Хвалите́ Го́спода с небéс, хвалите́ Егó в вéшних. Хвалите́ Егó, вси А́нгели Егó, хвалите́ Егó, вся си́лы Егó. Хвалите́ Егó, со́лнце и луна́, хвалите́ Егó, вся звéзды и свет. Хвалите́ Егó небеса́ небéс и вода́, я́же превы́ше небéс. Да восхва́лят и́мя Господне: я́ко Той рече́, и бы́ша, Той повеле́, и созда́шася. Поста́ви я́ в век и в век ве́ка, повелéние положи́, и не ми́мо идёт. Хвалите́ Го́спода от земли́, зми́еве и вся бéздны: огонь, град, снег, го́лоть, дух бу́рен, творя́щая сло́во Егó, го́ры и вси хо́лми, древа́ плодоно́сна и вси ке́дри, зве́рие и вси скóти, га́ди и пти́цы перна́ты. Ца́рие зéмстии и вси лю́дие, кня́зи и вси судий зéмстии, ю́ноши и дéвы, ста́рцы с ю́нотами да восхва́лят и́мя Господне, я́ко вознесéся и́мя Того́ еди́наго, исповéдание Егó на земли́ и на небеси́. И вознесёт рог люде́й Свои́х, песнь всем преподо́бным Егó, сыновóм Изра́илевым, лю́дем, приближа́ющимся Ему́.

Псалом 149

Воспойте Господеви песнь новую, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царя их пути, и славныя их ручными оковы железными, сотворити в них суд написан. Слава сия будет всем преподобным Его.

Псалом 150

Хвалите Бога во святых Его, хвалите Его во утвержении силы Его. Хвалите Его на силах Его, хвалите Его по множеству величества Его. Хвалите Его во гласе трубнем, хвалите Его во псалтири и гуслех. Хвалите Его в тимпане и лице, хвалите Его во струнах и органе. Хвалите Его в кимвалех dobroglasnykh, хвалите Его в кимвалех восклицания. Всякое дыхание да хвалит Господа.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*.

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Чтец:

По 2-м стихословии седальен праздника, глас 3:

Превечный Бог и безначальный, еже восприят естество человеческое, обоготворив тайно днесь Вознесё. Ангели предтекуще апостолом показоваху Сего идуща на небеса славою мною, Тому же поклонившися глаголаху: слава Богу Вознесшемуся.

Слава, и ныне, той же седальен праздника:

Превечный Бог и безначальный, еже восприят естество человеческое, обоготворив тайно днесь Вознесё. Ангели предтекуще апостолом показоваху Сего идуща на небеса славою мною, Тому же поклонившися глаголаху: слава Богу Вознесшемуся.

ПОЛИЕЛЕЙ:

Хор:

Хвалите Имя Господне, хвалите, раби Господа.

Аллилуиа, аллилуиа, аллилуиа.

Благословен Господь от Сиона, живый во Иерусалиме.

Аллилуиа, аллилуиа, аллилуиа.

Исповедайтесь Господеви, яко Благ, яко в век милость Его.

Аллилуиа, аллилуиа, аллилуиа.

Исповедайтесь Богу Небесному, яко в век милость Его.

Аллилу́иа, аллилу́иа, аллилу́иа.

ВЕЛИЧА́НИЕ БЛЖ. КСЕНИИ:

Духове́нство: Велича́ем тя, святáя блаже́нная ма́ти Ксе́ние, и чтим святую́ па́мь твою́, ты бо мо́лиши о нас Христа́ Бо́га на́шего.

Чтец или хор первый стих Избра́нного псалма:

Чтец или Хор: Терпя́, потерпе́х Го́спода, и внят ми, и услы́ша моли́тву мою́.

Затем хор поет Величание:

Хор: Велича́ем тя, святáя блаже́нная ма́ти Ксе́ние, и чтим святую́ па́мь твою́, ты бо мо́лиши о нас Христа́ Бо́га на́шего.

(на ка́ждый стих пёние велича́ния)

И да́лее хор продо́лжа́ет чере́дова́ть стиху́ Избра́нного псалма́ и Велича́ние:

Чтец или Хор: Поста́ви на ка́мени но́зе мой и испра́ви стопы́ моя́. Се удали́хся, бе́гая, и водвори́хся в пусты́ни. Уподобихся не́ясыти пусты́нней. Бдех и бых, я́ко пти́ца, о́собящаяся на зде. Колéна моя́ изнемо́госта от поста́, и плоть моя́ измени́ся е́лея ра́ди. Предзрéх Го́спода пре́до мною́ вину́, я́ко одесну́ю мене́ есть, да не подви́жуся. В си язы́цы обыдо́ша мя, и И́менем Го́сподним противля́хся им. Благослове́н Го́сподь, И́же не даде́ нас в лови́тву зубо́м их. Храни́т Го́сподь ду́ши преподо́бных Свои́х. Восхва́лятся преподо́бнии во сла́ве и возра́дуются на ло́жах свои́х. Честна́ пред Го́сподем смерть преподо́бных Егó. По́йте Го́сподеви, преподо́бнии Егó, и испове́дайте па́мь святы́ни Егó, во всех лю́дех чудеса́ Егó.

По́сле оконча́ния кажде́ния:

Хор: Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Два́жды)

Духове́нство: Аллилу́иа, аллилу́иа, аллилу́иа, сла́ва Тебе́, Бо́же. (Еди́ножды)

Велича́ем тя, святáя блаже́нная ма́ти Ксе́ние, и чтим святую́ па́мь твою́, ты бо мо́лиши о нас Христа́ Бо́га на́шего.

ЕКТЕНИ́Я МА́ЛАЯ

Диáкон: Па́ки и па́ки ми́ром Го́споду помóлимся.

Хор: Го́споди, помíлуй.

Диáкон: Заступи́, спаси́, помíлуй и сохрани́ нас, Бо́же, Твое́ю благода́тию.

Хор: Го́споди, помíлуй.

Диáкон: Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Благослови́ся И́мя Твое́, и просла́вится Ца́рство Твое́, Отца́ и Сы́на и Свята́го Ду́ха ны́не и прісно и во ве́ки веко́в.

Хор: Ами́нь.

Чтец:

СЕДА́ЛЬНЫ ПО ПОЛИЕЛÉЮ:

Седáлен блж. Ксени́и глас 3:

Мирску́ю красоту́ оста́вила еси́, пременя́вши бога́тство тле́ющее на непреходя́щее, святáя Ксе́ние. Те́мже со все́ми святы́ми сла́вим и торже́ствуем свяще́нную па́мь твою́, прося́ще обрести́ моли́твами твои́ми, блаже́нная, ве́лию ми́лость.

Ин седáлен блж. Ксени́и глас 5:

Воздержанием житиё твоё украсивши и плоть дѹху покоривши, победила еси вражия прилоги, во смирении же и пощении Бѹга взыскавши, богоблаженная.

Слѹва, ин седѹлен блж. Ксении глас 4:

Чѹдна явилася еси в терпении твоём, всячески Христу угодила еси, всеблаженная Ксении, мудрою мыслию утвердивши дѹшу твою и покоривши дѹху плотская мудрования, избрала еси добрая, еже Бѹгу работати. Сего ради Христос дарует благодать и милость молитвами твоими чтущим любовь святую память твою.

И ныне, седѹлен праздника, глас 5:

Сошедый с небесѹ на земная, и долу лежащий во адове стражи, совоскресивый яко Бѹг Адамов зрак, Вознесением Твоим Христе на небеса возвед, престолу Отческому Твоему соседителя соделал еси, яко милостив и Человеколюбец.

СТЕПЕННА 4ГО ГЛѹСА

1Й АНТИФОН:

Хор:

От юности моея мнози борют мя страсти, но Сам мя заступй, и спасй, Спасе мой.

Ненавидящии Сиона, посрамитесь от Господа, яко трава бо огнем будете изсохше.

Слава и ныне: Святым Духом всяка душа живится, и чистотою возвышается, светлется Троическим Единством священнотайне.

ПРОКІМЕН УТРЕНИ:

Диакон: Вѹнмем. Премудрость вѹнмем, прокїмен **глас 4: Праведницы во веки живут, и в Господе мзда их.**

Хор: Праведницы во веки живут, и в Господе мзда их.

Диакон: Надѹющиися Нань разумеют истину, и вернии в любви пребудут Ему.

Хор: Праведницы во веки живут, и в Господе мзда их.

Диакон: Праведницы во веки живут.

Хор: И в Господе мзда их.

Диакон: Господу помѹлимся.

Хор: Господи, помилуй.

Иерей: Яко Свят еси Бѹже наш, и Тебе славу воссылаем, Отцу и Сѹну и Святому Дѹху, ныне и присно и во веки веков.

Хор: Амѹнь.

Диакон: Всякое дыханіе да хвалит Господа.

Хор: Всякое дыханіе да хвалит Господа.

Диакон: Хвалите Бѹга во святых Его, хвалите Его во утвержении силы Его.

Хор: Всякое дыханіе да хвалит Господа.

Диакон: Всякое дыханіе

Хор: Да хвалит Господа.

Диакон: И о сподобитися нам слышанию Святаго Евангелия, Господа Бѹга молим.

Хор: Господи, помилуй. (Трижды)

Диакон: Премудрость, прости, услышим Святаго Евангелия.

Иерей: Мир всем.

Хор: И дѹхови твоему.

Иерей: От Матфея Святаго Евангелия чтеніе.

Хор: Слава Тебе, Господи, слава Тебе.

Диакон: Вѹнмем.

Иерей:

Евангелие блж. Ксении (Мф. 11:27–30, зач. 43):

Рече Господь Своим учеником: вся Мне предана суть Отцем Моим, и никтоже знает Сына, токмо Отец, ни Отца кто знает, токмо Сын, и емуже аще волит Сын открыти. Приидите ко Мне вси труждающиеся и обремененнии, и аз упокою вы. Возмите иго Моё на себе, и научитесь от Мене, яко кроток есмь и смирен сердцем, и обрящете покой душам вашим. Иго бо Моё благо, и бремя Моё легко есть.

Хор: Слава, Тебе, Господи, слава Тебе.

Чтец:

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омиеши мя, и паче снега убелюся. Слуху моему даши радость и веселие, возрадуются кости смиренные. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеш, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

Глас 6:

Хор: Слава Отцу и Сыну и Святому Духу:

Молитвами блаженные Ксении, Милостиве, очисти множество согрешений наших.

И ныне и присно и во веки веков. Аминь:

Молитвами Богородицы, Милостиве, очисти множество согрешений наших.

Хор, глас 6:

Помилуй мя, Боже, по велицей милости Твоей, и по множеству щедрот Твоих очисти беззаконие мое.

Стихира блж. Ксении, глас 6:

Житие твое, яко солнце, сердца верных озари и многия к покаянию приведи. Темже и нас светом невечерним просвети, мати Ксение, всечестную память твою почитающих.

Диакон²: Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистой Владычицы нашей Богородицы и Приснодевы Марии, силою Честного и Животворящего Креста, предстательства честных Небесных Сил бесплотных, честного, славного пророка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих

² Может быть пропущено, смотреть как принято у вас на приходе, если пропускается, тогда сразу возглас: Милостию и щедротами...

учителей и святителей, Васи́лия Вели́каго, Григо́рия Богосло́ва и Иоа́нна Златоу́стаго, и́же во святы́х отца́ на́шего Никола́я, архиепи́скопа Мирликийскаго, чудотворца, святы́х равноапосто́льных Мефо́дия и Кири́лла, учителей словенских, святы́х равноапосто́льных вели́каго кня́зя Влади́мира и вели́кия княги́ни О́льги, и́же во святы́х оте́ц на́ших: святителя Миха́ила, пе́рвого митрополи́та Кие́вскаго, первосвятителей Моско́вских и всея́ Руси: Петра́, Алекси́я, Ио́ны, Мака́рия, Фили́ппа, Йо́ва, Еρμοге́на и Ти́хона, митрополи́тов Моско́вских Филаре́та, Иннокенти́я и Мака́рия. Святы́х, сла́вных и добропобедных му́чеников, новому́чеников и испове́дников Це́ркве Ру́сския: Влади́мира, митрополи́та Кие́вскаго, Вениа́мина, митрополи́та Петрогра́дскаго, Петра́, митрополи́та Крути́цкаго, Иларио́на, архиепи́скопа Верейскаго, святы́х ца́рственных страстоте́рпцев, преподобному́чениц вели́кия княги́ни Елисаветы́ и ино́кини Варва́ры, преподо́бных и богоно́сных оте́ц на́ших, преподо́бных оте́ц ста́рцев Оптинских, святы́х пра́ведных Иоа́нна Кроншта́дтскаго и Алекси́я Моско́вскаго, святы́х блаже́нных Ксе́нии Петербу́ржския и Матро́ны Моско́вския, святы́х и пра́ведных богооте́ц Иоакима́ и А́нны (*и святаго имярек, егоже есть храм и егоже есть день*), и всех святы́х. Мо́лим Тя́, многомилостиве Го́споди, услы́ши нас, грешных, моля́щихся Тебе́, и помилуй нас.

Хор: Го́споди, помилуй (12 раз)

Иерей: Милостию и щедротами и человеколю́бием единого́днаго Твоего́ Сы́на, с Ни́мже благослове́н еси́, со Пресвяты́м, и Благи́м, и Животворя́щим Твои́м Ду́хом, ны́не и при́сно, и во ве́ки веко́в.

Хор: Ами́нь.

КАНО́Н:

В хра́ме Господском, Богороди́цы и Свято́го:

«На 6»:

Песнь 1

Ирмо́с, глас 5:

Спаси́телю Бо́гу в мо́ри лю́ди немóкрыми нога́ми наста́вльшему, и фарао́на со всево́инством потопи́вшему, Тому́ Еди́ному пойм: я́ко просла́вился.

Припев 1: **Сла́ва Тебе́, Бо́же наш, сла́ва Тебе́.**

Воспойм все́ лю́дие, на ра́мех херувимских Возне́сшуся со сла́вою Христу́, и спосади́вшему нас одесну́ю Отца́, пе́снь победную́: я́ко просла́вился.

Припев 2: **Сла́ва Тебе́, Бо́же наш, сла́ва Тебе́.**

Хода́тая Бо́гу и челове́ком Христа́, ли́цы а́нгельстии ви́девше, с плóтию в ви́шних удивля́хуся, согла́сно же воспева́ху пе́снь победную́: я́ко просла́вился.

Припев 3: **Свята́я блаже́нная ма́ти Ксе́ние, моли́ Бо́га о нас.**

Водо́ю Креще́ния омывши́ся, перво́роднаго греха́ изба́вилася еси́, ма́ти Ксе́ние, и на́ша сердца́ слеза́ми пока́яния очисти́, просвеще́ние пода́ющи почита́ющим святу́ю па́мь твою́.

Припев 4: **Свята́я блаже́нная ма́ти Ксе́ние, моли́ Бо́га о нас.**

В воде́ Креще́ния зми́я лука́ва потопи́вшая, жити́ем твои́м страда́льческим вра́жию си́лу умертви́ла еси́, блаже́нная, от нея́же и нам изба́виться Спа́са умоли́.

Припев 5: **Сла́ва Тебе́, Бо́же наш, сла́ва Тебе́.**

Воскрэ́сл еси́ тридне́вен, по естеству́ безсме́ртный, и яви́лся еси́ единона́десетим, и все́м учени́ком, и востэ́кл еси́ Христе́ ко Отцу́, о́блаком носи́мь все́х Тво́рче.

Припев 6: **Сла́ва Тебе́, Бо́же наш, сла́ва Тебе́.**

Вопи́ет я́вственно поя́ Дави́д богодохнове́нный, взы́де Го́сподь к небе́сным, в воскликнове́нии и трубы́ шу́ме, и к началосвётному́ Отцу́ dospé.

Сла́ва Отцу́ и Сы́ну и Свято́му Ду́ху и ны́не и прѣсно и во ве́ки веко́в. Ами́нь.

Катава́сия, глас 4:

Божественным покровен, медленозы́чный мра́ком, извитѣйствова Богопи́санный за́кон: тѣну бо оттря́с очесе́ умнаго, ви́дит Су́щаго, и науча́ется Ду́ха ра́зуму, хваля́ Божественными пе́снями.

Песнь 3

Ирмо́с, глас 5:

Си́лою Креста́ Твоего́ Христе́, утверди́ моё помышле́ние, во е́же пе́ти и сла́вити спаси́тельное Твое́ Вознесе́ние.

Припев 1: Сла́ва Тебе́, Бо́же наш, сла́ва Тебе́.

Возше́л еси́ Жизнода́вче Христе́ ко Отцу́, и Возне́сл ро́д наш Чело́веколю́бче, неизрече́нным благоутро́бием Твои́м.

Припев 2: Сла́ва Тебе́, Бо́же наш, сла́ва Тебе́.

Чи́ни а́нгельстии Спа́се, чело́веческое естество́ ви́девши совосходя́щее Тебе́, непреста́нно уди́вляеми воспева́ху Тя́.

Припев 3: Свята́я блаже́нная ма́ти Ксе́ние, моли́ Бо́га о нас.

Небе́снаго кру́га Зижди́телю все жити́е твоё отда́вши, возлюби́ла еси́ Того́ до конца́, сподо́би и нас моли́твами твои́ми, блаже́нная, люби́ти Го́спода до конца́ дний на́ших.

Припев 4: Свята́я блаже́нная ма́ти Ксе́ние, моли́ Бо́га о нас.

Небе́сныя жи́зни жела́ющи, в жити́й твоём вся земна́я пренебрегла́ еси́, сподо́би и нас, ма́ти Ксе́ние, моли́твами твои́ми Небе́сныя жи́зни дости́гнути.

Припев 5: Сла́ва Тебе́, Бо́же наш, сла́ва Тебе́.

Возми́те врата́ небе́сная, се́ при́иде Христос́ Ца́рь тва́ри, в те́ло оболкся́ земно́е, го́рнейшим глаго́лаху си́лам до́льнейшыя.

Припев 6: Сла́ва Тебе́, Бо́же наш, сла́ва Тебе́.

Взыска́в Христе́, прельще́ннаго прелести́ю зми́евою Ада́ма, я́ко в сегó оболкѣйся, возше́л еси́, и се́л еси́ одесну́ю, я́ко сопресто́лен Отцу́, пою́щим а́нгелом Тебе́.

Сла́ва Отцу́ и Сы́ну и Свято́му Ду́ху и ны́не и прѣсно и во ве́ки веко́в. Ами́нь.

Катава́сия, глас 4:

Разве́рзе утробы́ неча́дствовавшия́ у́зы, доса́ду же неудоботерпи́му благоча́дствующия, еди́на моли́тва проро́чицы дре́вле А́нны, нося́щия дух сокруше́н, к Си́льному, и Бо́гу ра́зумов.

ЕКТЕНИЯ́ МА́ЛАЯ.

Диакон: Па́ки и па́ки ми́ром Го́споду помóлимся.

Хор: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, помилуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Ты еси́ Бог наш, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и прѣсно и во ве́ки веко́в.

Хор: Ами́нь.

Чтец:

Конда́к блж. Ксении, глас 3:

Днесь свѣтло ликует град святаго Петра, яко множество скорбящих обретают утешение, на твоѣ молитвы надеющиеся, Ксѣние всеблаженная, ты бо еси граду сему похвала и утверждение.

Икос блж. Ксении:

Како возмогу, грешный аз, скверный душею и телом, повѣдати еже во плоти равноангельное житие твое и преславная чудеса, аще убо мнози премудрии не дерзуют исповѣдати многаго твоего терпения и смирения и теплыя ко Христу любви? Но обаче надеяся на твое заступление, о блаженная, вопию ти: радуйся, яко вездѣ призывающих тя скоро предваряеши, радуйся, яко множество скорбящих обретают тобою утешение, радуйся, святая блаженная мати Ксѣние, граду сему похвалу и утверждение.

Седален блж. Ксении, глас 5:

Яко странница во граде святаго Петра явилася еси, благоволением Божиим укрепляема, мати премудрая, Божественных даров и чудес удостоившаяся. Темже, имущи дерзновение ко Христу Богу, мир испроси душам нашим и велию милость.

(Дважды)

Слава и ныне, седален праздника, глас 8:

Всед на облаки небесныя, оставив мир сущим на земли, возшел и сел еси одесную Отца, яко Единосущен Сему сый и Духу. Аще бо и во плоти явился еси, но непреложен пребыл еси: темже чаеши совершения конец, судити грядый на землю миру всему. Правосуде Господи, пощади души наша, прегрешений оставление даруя, яко Бог милостив, рабом Твоим.

Песнь 4

Ирмос, глас 5:

Услышах слух силы Креста, яко рай отверзся им и возопих: слава силе Твоей Господи.

Припев 1: **Слава Тебе, Боже наш, слава Тебе.**

Вознеслся еси во славе, ангелов Царю, Утешителя нам от Отца послав. Темже вопием: слава Христе Вознесению Твоему.

Припев 2: **Слава Тебе, Боже наш, слава Тебе.**

Яко взыде Спас ко Отцу с плотию, удивилася ангельская воинства, и возопиша: слава Христе Вознесению Твоему.

Припев 3: **Святая блаженная мати Ксѣние, моли Бога о нас.**

Услышавши, Ксѣние, яко Небеса повѣдают славу Божию, отвергла еси суету мирскую и в подвиже поста и лишения на земли Бога славити возжелела еси, Егже славити и нас сподоби.

Припев 4: **Святая блаженная мати Ксѣние, моли Бога о нас.**

Услышавши и уразумевши дела Господня, прославила еси Ег Божество, надежду и любовь к Немю украсивши душу твою, подвиги просветилася еси, блаженная, Божиею силою укрепляема.

Припев 5: **Слава Тебе, Боже наш, слава Тебе.**

Иисус Жизнодавец приим, ихже возлюбил, на Елеонскую гору восходит, и сих благословил, и облаком носимь Отчая недра доспе, яже никакоже бе оставил.

Припев 6: **Слава Тебе, Боже наш, слава Тебе.**

Мир весь празднует видимый и невидимый: в радости ангели ликуют, и человецы славословяще непрестанно Вознесение, плотию Соединившагося нам благодатию.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Царю царей, Яковый от Яковаго Един Слове произшедый, от Отца безвиновнаго, равнощнаго Твоего Духа апостолом истинно послал еси, яко Благодетеля поющим: слава державе Твоей Господи.

Песнь 5

Ирмос, глас 5:

Утренююще вопиём Ти Господи, спаси ны: Ты бо еси Бог наш, разве бо Тебе иного не знаем.

Припев 1: **Слава Тебе, Боже наш, слава Тебе.**

Исполнив веселия всяческая Милостиве, к горним силам с плотию пришёл еси.

Припев 2: **Слава Тебе, Боже наш, слава Тебе.**

Ангельския силы вземлема Тебе видевше, врата, взываху Царю нашему, возьмите.

Припев 3: **Святая блаженная матери Ксение, моли Бога о нас.**

Просвещаяхуся вернии людие, зряще незлобие и кротость твою, матери Ксение, помози и нам, блаженная, подражати твоему незлобию.

Припев 4: **Святая блаженная матери Ксение, моли Бога о нас.**

Просветивши стезю жизни твоея светом богоразумия, Христа Господа вседушно возлюбила еси, сподоби и ны, блаженная Ксение, в сем быти тебе подражатели.

Припев 5: **Слава Тебе, Боже наш, слава Тебе.**

Умертвив смерть Твоею смертью Господи, взем ихже возлюбил еси, возшёл еси на Масличную гору святую, и оттуду востёкл еси Христё к Твоему Родителю, облаком носимь.

Припев 6: **Слава Тебе, Боже наш, слава Тебе.**

Странно Твое рождество, странно Твое воскресение, странно и страшно Твое Жизнодавче, еже от горы Божественное Вознесение, еже изобразуя Илиа четвероконный восходяше, воспевая Тя Человеколюбче.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Решительное очищение грехов, огнедохновенную примите Духа росу, о чада светобразная церковная. Ныне от Сиона бо изыде закон, языкоогнеобразная Духа благодать.

Песнь 6

Ирмос, глас 5:

Обыде мя бездна, гроб мне кит бысть, аз же возопих к Тебе Человеколюбцу, и спасе мя десница Твоя Господи.

Припев 1: **Слава Тебе, Боже наш, слава Тебе.**

Взыграшася апостоли, зряще на высоту днесь Зиждителя вземлема, упованием Духа, и страхом зовяху: слава восходу Твоему.

Припев 2: **Слава Тебе, Боже наш, слава Тебе.**

Предсташа ангели, вопиюще Христё учеником Твоим: имже образом видесте Христа восходяща с плотию, паки придет Праведный всех Судия.

Припев 3: **Святая блаженная матери Ксение, моли Бога о нас.**

Молитву, яко источник приснотекущий, ныне изливаяеши, недужныя исцеляючи, крепость и силу страждущим подаючи, сподоби и нас молитвами твоими избавитися от всяких лютых.

Припев 4: Святáя блаженна́я ма́ти Ксе́ние, моли́ Бо́га о нас.

Моли́твою Небе́сною и по кончи́не твоёй от недугъ свобожда́еши, целительнице́ безме́здная, досто́йно хва́лима еси́ на земли́, моли́ся о душа́х на́ших.

Припев 5: Сла́ва Тебе́, Бо́же наш, сла́ва Тебе́.

Да ка́плют намъ свѣ́ше о́блацы весе́лие вѣчно́е, Христо́с бо, о́блакомъ я́ко херувимы́ носимый, к Сво́ему Отцу́ восхо́дит днесь.

Припев 6: Сла́ва Тебе́, Бо́же наш, сла́ва Тебе́.

Плоти́ яви́вся подо́бием, прѣ́жде разстоя́щаяся собра́л еси́ во еди́но Чело́веколю́бче, и Возне́слся еси́ Ще́дре в небе́сная, зря́щим Тя́ учени́комъ Твои́м.

Сла́ва Отцу́ и Сы́ну и Свято́му Ду́ху и ны́не и прѣ́сно и во ве́ки веко́в. Ами́нь.

Катава́сия, глас 4:

Очище́ние намъ Христо́е и спасе́ние Влады́ко, возсия́л еси́ от Дѣ́вы, да я́ко проро́ка от зве́ря морска́го персе́й Ио́ну, от тли́ исхити́ши все́го Ада́ма всеро́дна па́дшаго.

ЕКТЕНИ́Я МА́ЛАЯ.

Диáкон: Па́ки и па́ки ми́ром Го́споду помо́лимся.

Хор: Го́споди, поми́луй.

Диáкон: Заступи́, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, помилуй.

Диáкон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себѣ́ и друг дру́га, и весь живо́т нашъ Христу́ Бо́гу преда́дим.

Хор: Тебе́, Го́споди.

Иерей: Ты бо еси́ Ца́рь ми́ра и Спас душ на́ших, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и прѣ́сно и во ве́ки веко́в.

Хор: Ами́нь.

Чтец:

Конда́к пра́здника, глас 6:

Е́же о нас испо́лнив смотре́ние, и я́же на земли́ соедини́в Небе́сным, возне́слся еси́ во сла́ве, Христо́е Бо́же наш, ника́коже отлуча́ясь, но пребыва́я неотступный, и вопи́я любя́щим Тя: Аз есмь с ва́ми, и никто́же на вы.

И́кос:

Я́же земли́ на земли́ оста́вившии, я́же пѣпелъная пѣрсти уступáющи, прииди́те восприя́нем, и на высоту́ возведе́м о́чи и мы́сли, вперѣ́м ви́ды, вку́пе чу́вства, на небе́сная врата́ сме́ртнии, непщуй́м бы́ти в Ма́сличной горе́, и взира́ти на Избавля́ющаго на о́блацех носима́. Отону́ду бо Госпо́дь на небеса́ востече́, и та́мо даролюбе́зны да́ры разда́я апо́столом Свои́м, утѣшивъ я́ я́ко Оте́ц, и утверди́в я́, наста́вив я́ко сыно́в, и рече́ к нимъ: не разлуча́юся ва́с, Аз есмь с ва́ми, и никто́же на вы́.

Песнь 7

Ирмо́с, глас 5:

В пещи́ о́гненной песносло́вцы спасы́и о́троки, благословѣ́н Бог отец на́ших.

Припев 1: Сла́ва Тебе́, Бо́же наш, сла́ва Тебе́.

На о́блацех свѣ́та Вознесы́йся, и спасы́и ми́р, благословѣ́н Бог отец на́ших.

Припев 2: Сла́ва Тебе́, Бо́же наш, сла́ва Тебе́.

На ра́му Спа́се, заблуждшее́ взѣ́м естество́, Возне́сся, Бо́гу и Отцу́ привѣ́л еси́.

Припев 3: Святáя блаженна́я ма́ти Ксе́ние, моли́ Бо́га о нас.

Отроки еврейския Ангел от огня неопальны сохрани и тебе, Ксение, в странничестве житий укрепь, поюще: благословен еси, Господи Боже, во веки.

Припев 4: Святая блаженная мати Ксение, моли Бога о нас.

Детем евангельски подражала еси в житий твоём, стезю тесную прошедши в незлобии, темже и нас на подвиг добродетели сея укрепь, поющих: благословен еси, Господи Боже, во веки.

Припев 5: Слава Тебе, Боже наш, слава Тебе.

Светлый Тя Свет суща, подъят облак Господи, от земли паче ума восприемлема и небеснии собори восхвалиша со апостолы, глаголюще: Боже благословен еси.

Припев 6: Слава Тебе, Боже наш, слава Тебе.

Рукама вси радуящиеся восплещим, Вознесением христовым, и воскликнем: взыде Бог во главе трубне, и седе одесную, яко сопрестолен Отцу во веки.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Согласная возшумэ органская песнь, почитати златосотворенный бездушный истукан: Утешителя же светоносная благодать почествует, еже вопити: Троице Единая, равносильная, безначальная, благословена еси.

Песнь 8

Ирмос, глас 5:

Из Отца прежде век рожденного Сына, и Бога, и в последняя лета воплощенного от Девы Матере, священницы пойте, людие превозносите во вся веки.

Припев 1: Слава Тебе, Боже наш, слава Тебе.

Во двою существу возлетевшаго Жизнодавца Христа на небеса со славою, и Отцу соседящаго, священницы пойте, людие превозносите во вся веки.

Припев 2: Слава Тебе, Боже наш, слава Тебе.

От работы идольския тварь избавившаго, и представившаго ту свободну Твоему Отцу, Тебе Спасе поем, и Тебе превозносим во вся веки.

Припев 3: Святая блаженная мати Ксение, моли Бога о нас.

Победительница страстей явилася еси, Ксение, люта являющая искушения вражия побеждаючи и непрестанно поюще: благословите, вся дела Господня, Господа.

Припев 4: Святая блаженная мати Ксение, моли Бога о нас.

Побеждаючи всякия страсти греховныя, ты, блаженная, яко светла звезда явилася еси, приводиши бо жены, падшия во грехи, во еже целомудренно жити и в покаянии воспевати: благословите, вся дела Господня, Господа.

Припев 5: Слава Тебе, Боже наш, слава Тебе.

Явисья умове апостолом в Вознесении, и вещаху: что взирающе стоите дивящиеся? Сей восходяй в небесная, придет и паки судити иже на земли человеком, Судия сый Един.

Припев 6: Слава Тебе, Боже наш, слава Тебе.

Дадим Богу величие, хвалы согласие воскликнем, воспойм, ликуйм, руками же восплещим: взыде Бог наш на небеса от земли, ангелом, архангелом поющим Сего, яко Владыку и Творца всех.

Благословим Отца, и Сына, и Святого Духа, Господа и ныне и присно и во веки веков. Аминь.

Хор: Хвалим, благословим, поклоняемся Господеви, поюще и превозносяще во вся веки.

Катавасия, глас 4:

Разрешáет úзы, и орошáет пламень, трисвѣтлый Богоначáлия Образ: пою́т óтроцы, благословíт же Едíнаго Спáса и Вседѣтеля, я́ко Благодѣтеля сотворѣнная вся́ческая тварь.

Диакон: Велича́й душе́ моя́, возне́сшагося от земли́ на Не́бо, Христа́ Жизнода́вца.³

Песнь 9

Ирмо́с, глас 5:

Тя па́че ума́ и словесе́, Ма́терь Бо́жию, в ле́то Безле́тнаго неизрече́нно ро́ждшую, ве́рнии, единому́дренно велича́ем.

Хор, припев 1: **Велича́й душе́ моя́, возне́сшагося от земли́ на Не́бо, Христа́ Жизнода́вца.**

Чтец: Тебе́ избáвителя мíра Христа́ Бо́га, апо́столи ви́дяще Божѣственно возвыша́ема, со стра́хом игра́юще велича́ху.

Хор, припев 2: **Велича́й душе́ моя́, возне́сшагося от земли́ на Не́бо, Христа́ Жизнода́вца.**

Чтец: Твою́ обожíвшуюся плóть зря́ще Христé, на высотé а́нгели, дру́г ко дру́гу глаго́лаху: во́истинну Сéй е́сть Бо́г наш.

Хор, Припев 3: **Святáя блаже́нная ма́ти Ксе́ние, моли́ Бо́га о нас.**

Чтец: Во́истину ра́зум Христóв имела́ еси́, Ксе́ние, смире́ние, крóтость, ве́ру несумне́нну, наде́жду и любóвь, я́же к Бо́гу, и нас сегó сподóби, да с тобо́ю Христа́ прíсно велича́ем.

Хор, Припев 4: **Святáя блаже́нная ма́ти Ксе́ние, моли́ Бо́га о нас.**

Чтец: Во́истину на тебе́, Ксе́ние блаже́нная, исполнися Христóво прорече́ние: претерпе́вый до конца́, той спасе́н бу́дет, ны́не бо со все́ми спасе́нными Христа́ прíсно велича́еши.

Хор, Припев 5: **А́нгели восхожде́ние Влады́ки зря́ще, ужаса́хуся, ка́ко со сла́вою взы́тсá от земли́ на Го́рняя.**

Чтец: О дарóв па́че постиже́ния! О та́инства стра́шнаго! Все́ми бо влады́чествуяй, от земли́ отходя́ к небéсным, ученико́м послá Ду́ха Свята́го, просветíвшаго сíх смýсл, и óгненны сотворíвшаго благодáтию.

Хор, Припев 6: **А́нгели восхожде́ние Влады́ки зря́ще, ужаса́хуся, ка́ко со сла́вою взы́тсá от земли́ на Го́рняя.**

Чтец: Полцы́ учени́честии, Госпо́дь рече́, вы́ седíte во Иерусали́ме: и Аз низпослú вам утѣшителя́ другáго, Отцу́ сопрестóльна и Мнѣ равночѣстна, Егóже ви́дите взима́ема, и óблаком свѣтлым носíма.

Хор, припев: **Велича́й душе́ моя́, возне́сшагося от земли́ на Не́бо, Христа́ Жизнода́вца.**

Катава́сия, глас 4:

Ра́дуйся Царíце, Матеро́дѣвственная́ сла́во: вся́ка бо удо́бообрача́тельная благоглаго́ливая уста́ витíйствовати не мо́гут, Тебе́ пѣти досто́йно: низумевáет же ум всяк, Твое́ Рожде́ство́ разуме́ти. Те́мже Ты согла́сно сла́вим.

ЕКТЕНИ́Я МА́ЛАЯ.

Диакон: Па́ки и па́ки мíром Го́споду помóлимся.

Хор: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благодáтию.

Хор: Го́споди, поми́луй.

³ В разных храмах традиция может отличаться, иногда 1-й запев поет диакон, иногда хор.

Диáкон: Пресвяту́ю, Пречы́стую, Преблагословенную, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Я́ко Ты хва́лят вся си́лы небесны́я, и Тебе́ сла́ву воссыла́ем, Отцу́ и Сы́ну и Свято́му Ду́ху, ны́не и прýсно и во ве́ки веко́в.

Хор: Ами́нь.

СВЕТИ́ЛЬНЫ ПО КАНО́НУ:

Свети́лен пра́здника:

Ученико́м зря́щим Тя, Возне́слся еси́ Христэ́ ко Отцу́ соседя́, а́нгели предтеку́ще зова́ху: возми́те врата́, возми́те, Ца́рь бо взы́де к нача́льному Свету́ сла́вы.

Сла́ва, свети́лен блж. Ксении:

Я́коже со́лнце светонóсно, возсия́ ны́не, блаже́нная ма́ти, па́мять тво́я, вся ве́рныя веселя́щи, и́же моли́твенно взыва́ют ти: моли́ся приле́жно спасти́ся нам.

И ны́не, свети́лен пра́здника:

Ученико́м зря́щим Тя, Возне́слся еси́ Христэ́ ко Отцу́ соседя́, а́нгели предтеку́ще зова́ху: возми́те врата́, возми́те, Ца́рь бо взы́де к нача́льному Свету́ сла́вы.

СТИХИ́РЫ НА ХВАЛИ́ТЕХ, ГЛАС 1:

Канона́рх: Глас пе́рвый, Вся́кое дыха́ние да хва́лит Го́спода.

Хор: Вся́кое дыха́ние да хва́лит Го́спода. Хвали́те Го́спода с небес, хвали́те Его́ в вы́шних. Тебе́ подоба́ет песнь Бо́гу.

Хвали́те Его́ вси А́нгели Его́, хвали́те Его́ вся си́лы Его́. Тебе́ подоба́ет песнь Бо́гу.

Стихи́ры пра́здника, глас 1:

На 6. Стих: **Сотвори́ти в них суд напи́сан: сла́ва сия́ бу́дет всем преподо́бным Его́.**

А́нгельски и́же в ми́ре торжеству́им, на Престо́ле сла́вы Бо́гу носимо́му, взыва́юще пе́ние: Свят еси́ О́тче Небесный, Соприсносу́щный Сло́ве, Свят еси́ и Ду́ше Всесвяты́й.

Стих: **Хвали́те Бо́га во святы́х Его́, хвали́те Его́ в утверже́нии си́лы Его́.**

Нача́льницы А́нгелов смотря́юще, Спа́се, восхожде́ния стра́нное, недоумева́хуся друг ко дру́гу: что видéние сие́? Чело́век у́бо зра́ком ви́димый, я́коже Бог, превы́ше Небес с плóтию восхо́дит.

На 4. Стих: **Хвали́те Его́ на си́лах Его́, хвали́те Его́ по мно́жеству вели́чества Его́.**

Галилея́не зря́ще Тя Вознесéнна, от Ма́сличны́я горы́ с тéлом Сло́ве, слы́шаху А́нгелов вопи́ющим им: что стоите́ зря́ще? Сей при́дет па́ки с плóтию, и́мже о́бразом ви́десте.

Стихи́ры блж. Ксении, глас 2:

Стих: **Хвали́те Его́ во гла́се тру́бнем, хвали́те Его́ во псалти́ри и гу́слех.**

Неисчерпа́ема есть благода́ть, ю́же от Христá прия́ла еси́, блаже́нная, те́мже и мо́щи тво́я Божéственною си́лою непреста́нно де́йствуют чудесы́, к ни́мже притека́ющи и и́мя твоё́ с ве́рою призыва́ющи от неисцельных боле́зней исцеля́ются. Ея́же моли́твами, Го́споди, и нас душе́вных и телесных страсте́й свободи́, я́ко Чело́веколю́бец.

На 2. Стих: **Хвали́те Его́ в тимпа́не и ли́це, хвали́те Его́ востру́нах и орга́не.**

В по́двизех стра́нствия твоего́ привле́клá еси́ мно́гия ду́ши ко спасе́нию, сегó ра́ди Христóс, нас ра́ди стра́нствовавший и не имы́й где главу́ приклони́ти, зна́меньями и чудесы́ пресла́вными и́стинно тя украси́, стра́ннице блаже́нная.

Стих: **Хвали́те Его́ в кимва́лех доброгласных, хвали́те Его́ в кимва́лех восклицáния. Вся́кое дыха́ние да хва́лит Го́спода.**

Добродѣтели твоѧ, богомудраѧ Ксѣние, к вѣре обращают сердца. Кто бо, слыша безмѣрное твоѣ смиреніе и терпѣніе, не удивится? Еще же ко всем кротость и незлобие, скорбящим мѣлованіе и сущим в бѣдах скорое поможѣніе, плавающим немятежное пристанище и путешествующим благое поспешѣніе, вся боголѣпно предваряеши, досточудная, и ныне неувядаемым венцем увѣнчана еси от руки Вседержителя Бога, Егѡже моли спастися душам нашим.

Слава, стихира блж. Ксении, глас 8:

Днесь град святаго Петра просвещается, матери Ксѣние, твоими зарями, и святой храм Божия Матере Смоленския, цветы украшаем, вопіет ти, угѡднице Христова: не престаи молиться о всех, празднующих любовь святую память твою.

И ныне, стихира праздника, глас 2:

Родился еси яко Сам восхотел еси, явился еси яко Сам избѡлил еси, пострадал еси плотию Бѡже наш, из мертвых Воскресл еси поправ смерть. Вознеслся еси во славе, всяческая исполняя, и послал еси нам Духа Божественнаго, еже воспевати и славити Твоѣ Божество.

Иерей: Слава Тебѣ, показавшему нам свет.

СЛАВОСЛОВІЕ ВЕЛІКОЕ:

Хор: Слава в вышних Бѡгу, и на земли мир, в человецех благоволеніе. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Бѡже Отче Вседержителю, Господи, Сыне Единородный, Иисусе Христѣ, и Святой Душе. Господи Бѡже, Агнче Божий, Сыне Отчѣ, вземляй грех мира, помилуй нас; вземляй грехи мира, прими молитву нашу; сяди одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца. Аминь.

На всяк день благословлю Тя, и восхваляю Имя Твоѣ во вѣки, и в век века.

Сподѡби, Господи, в день сей без греха сохранитися нам. Благословен еси, Господи, Бѡже отец наших, и хвалю и прославлено Имя Твоѣ во вѣки. Аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. (Трижды)

Господи, прибежище был еси нам в род и род. Аз рех: Господи, помилуй мя, исцели душу мою, яко согрѣших Тебѣ. Господи, к Тебѣ прибегах, научи мя творити волю Твою, яко Ты еси Бог мой: яко у Тебѣ источник живота, во свете Твоѣм узрим свет. Пробави милость Твою ведущим Тя.

Святой Бѡже, Святой Крепкий, Святой Безсмертный, помилуй нас. (Трижды)

Слава Отцу и Сыну и Святому Духу и ныне и присно и во вѣки веков. Аминь.

Святой Безсмертный, помилуй нас.

Святой Бѡже, Святой Крепкий, Святой Безсмертный, помилуй нас.

ТРОПАРІ ПО СЛАВОСЛОВІЮ:

Тропарь блж. Ксении, глас 7:

Нищету Христову возлюбивши, безсмертныя трапѣзы ныне наслаждаешися, безумием мнимым безумие мира обличивши, смиреніем крестным силу Божию восприяла еси, сего ради дар чудодѣйственных помощи стяжавшая, Ксѣние блаженная, моли Христа Бога избавитися нам от всякаго зла покаяніем.

Слава и ныне, тропарь праздника, глас 4:

Вознеслся еси во славе, Христѣ Бѡже наш, радость сотворивый учеником, обетованіем Святаго Духа, извещенным им бывшим благословеніем, яко Ты еси Сын Божий, Избавитель мира.

ЕКТЕНИЯ СУГУБАЯ:

Диакон: Помилуй нас, Бóже, по велицей милости Твоей, молим Ти ся, услыши и помилуй.

Хор: Гóсподи, помилуй. *(Трижды, на каждое прошение)*

Ещё молимся о Великом Господине и Отце нашем Святэйшем Патриархе Кирилле, и о Господине нашем Высокопреосвященнейшем митрополите (или: архиепископе, или: преосвященнейшем епископе имярек), и всей во Христэ братии нашей.

Ещё молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателех святаго храма сего, и о всех преждепочивших отцех и братиях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святаго храма сего.

Ещё молимся о плодоносящих и добродетельных во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

ЕКТЕНИЯ ПРОСИТЕЛЬНАЯ:

Диакон: Исполним утреннюю молитву нашу Господеви.

Хор: Гóсподи, помилуй.

Диакон: Заступи, спаси, помилуй и сохрани нас, Бóже, Твоею благодатию.

Хор: Гóсподи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Гóсподи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Гóсподи.

Иерей: Яко Бог милости, щедрот и человеколюбия еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Гóсподи.

Иерей: Твое бо есть, еже милovati и спасати ны, Бóже наш, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Амѣнь.

Диакон: Премудрость.

Хор: Благослові.

Иерей: Сый благословѣн Христос Бог наш, всегда, ныне и присно и во веки веков.

Хор: Амѣнь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебе, Христэ Боже, Упование наше, слава Тебе.

Хор: Слава Отцу и Сыну и Святому Духу, и ныне и присно и во веки веков. Амѣнь. Господи, помилуй. *(Трижды)* Благослові.

Иерей: *Произносит праздничный или дневной отпуст.*

Хор: Великаго Господина и Отца нашего Кирилла, Святейшаго Патриарха Московского и всея Руси, и Господина нашего *(Высоко)* Преосвященнейшаго *(имярек)*, *(архи)*епископа *(митрополита (титул))*, богохранимую страну нашу Российскую, настоятеля, братию и прихожан святого храма сего и вся православныя христианы, Господи, сохрани их на многая лета.

И сразу читается 1-й час

ПЕРВЫЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселитя к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишия в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою истечти? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагях пред очима мойма вещь законопреступную: творящия преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядах. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордынню, глаголяй неправедная, не исправляше пред очима мойма. Во утрия избивах вся грешныя земли, еже потребити от града Господня вся делающия беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Тропáрь прáздника, глас 4:

Вознёслся еси во славе, Христé Бóже наш, рáдость сотворívый ученикóм, обетовáнием Свята́го Дúха, извещéнным им бýвшим благословéнием, я́ко Ты еси́ Сын Бóжий, Избáвитель мíра.

Слáва Отцú и Сýну и Свято́му Дúху.

Тропáрь блж. Ксении, глас 7:

Нищету́ Христóву возлюбívши, безсмéртныя трапéзы ны́не наслажда́ешься, безúмием мн́мым безúмие мíра обличívши, смире́нием крéстным síлу Бóжию восприя́ла еси́, сегó рáди дар чудодéйственныя пóмощи стяжав́шая, Ксéние блаже́нная, моли́ Христа́ Бóга избáвиться нам от вся́каго зла покая́нием.

И ны́не и прýсно и во вéки векóв. Амíнь.

Что Тя наречём, о Благодáтная? Не́бо, я́ко возсия́ла еси́ Сóлнце Пра́вды. Рай, я́ко прозяблá еси́ цвет нетлéния Дéву, я́ко пребылá еси́ нетлéнна. Чýстую Мáтерь, я́ко имéла еси́ на святýх Тво́их объáтиях Сýна, всех Бóга. Тогó моли́ спастýся душáм нáшим.

Стопý моя́ напра́ви по словеси́ Твоемý и да не облада́ет мно́ю вся́кое беззакóние. Избáви мя от клеветы́ челове́ческой, и сохрани́ю за́поведи Твоя́. Лице́ Твое́ просвети́ на раба́ Твоегó и научи́ мя оправдáнием Твоим.

Да исполняются уста́ моя́ хвалéния Твоегó, Гóсподи, я́ко да воспою́ сла́ву Твою́, весь день великолéпие Твое́.

ТРИСВЯТО́Е ПО О́ТЧЕ НАШ:

Святýй Бóже, Святýй Кре́пкий, Святýй Безсмéртный, помíлуй нас. *(Три́жды)*

Слáва Отцú и Сýну и Свято́му Дúху, и ны́не и прýсно и во вéки векóв. Амíнь.

Пресвятáя Трóице, помíлуй нас; Гóсподи, очисти́ грехи́ нáша; Влады́ко, прости́ беззакóния нáша; Святýй, посети́ и исцели́ нéмощи нáша, имене́ Твоегó рáди.

Гóсподи, помíлуй, *(Три́жды)*

Слáва Отцú и Сýну и Свято́му Дúху, и ны́не и прýсно и во вéки векóв. Амíнь.

О́тче наш, И́же еси́ на Небесéх, да святýтся и́мя Твое́, да при́дет Цáрствие Твое́, да бýдет во́ля Твоя́, я́ко на Небеси́ и на земл́и. Хлеб наш насýщный да́ждь нам днесь; и остави́ нам до́лги нáша, я́коже и мы оставля́ем должникóм нáшим; и не введи́ нас во искуше́ние, но избáви нас от лука́ваго.

Иерéй: Я́ко Твое́ есть Цáрство и síла и сла́ва Отца́ и Сýна и Свята́го Дúха, ны́не и прýсно и во вéки векóв.

Чтец: Амíнь.

Конда́к блж. Ксении, глас 3:

Днесь свéтло лику́ет град святáго Петра́, я́ко мно́жество скорбя́щих обрета́ют утешéние, на тво́я моли́твы наде́ющесея, Ксéние всеблаже́нная, ты бо еси́ граду́ семý похвалá и утвержде́ние.

Гóсподи, помíлуй. *(40 раз)*

И́же на вся́кое вре́мя и на вся́кий час, на Небеси́ и на земл́и, покланя́емый и сла́вимый, Христé Бóже, Долготерпелíве, Многомíлостиве, Многоблагоутрóбне, И́же пра́ведныя любя́й и грéшныя мíлуяй, И́же вся зовы́й ко спасéнию обеща́ния рáди бýдущих благ. Сам, Гóсподи, приими́ и нáша в час сей моли́твы и испра́ви живóт наш к за́поведем Твоим, дýши нáша освяти́, телеса́ очисти́, помышлéния испра́ви, мысли́ очисти́ и избáви нас от вся́кия скóрби, зол и болéзней, оградí нас святýми Твоими́ А́нгелы, да ополче́нием их соблюда́еми и наставля́еми, досты́гнем в соединéние вéры и в рáзум непристýпныя Твоея́ сла́вы, я́ко благословéн еси́ во вéки векóв, амíнь.

Гóсподи помíлуй. *(Три́жды)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Бо́же, ущѣдри ны и благослови ны, просвети лице́ Твое́ на ны и помилуй ны.

Чтец: Ами́нь.

Иерей: Христѣ, Свете Истинный, просвещаяй и освящаяй всякаго человека, грядущаго в мир, да знаменается на нас свет лица́ Твоего́, да в нем узрим Свет Непреступный: и исправи стопы́ наша к деланию заповедей Твоих, молитвами Пречистыя Твоея́ Матере, и всех Твоих святых, ами́нь.

Хор:

Конда́к прѣздника, глас 6:

Е́же о нас исполнив смотре́ние, и я́же на земли соединив Небесным, вознеслся еси́ во сла́ве, Христѣ Бо́же наш, ника́коже отлучая́ся, но пребывая́ неотступный, и вопия́ любящим Тя: Аз есмь с ва́ми, и никто́же на вы.

Иерей: Сла́ва Тебе́, Христѣ Бо́же, упова́ние наше, сла́ва Тебе́.

Хор: Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь. Го́споди, помилуй. *(Трижды)* Благослови.

Иерей: *Отпуст.*

Хор: Го́споди, помилуй. *(Трижды)*

ТРЕ́ТИЙ ЧАС:

Иерей: Благословѣн Бог наш всегда́, ны́не и прѣсно, и во ве́ки веко́в.

Чтец: Ами́нь.

ТРИСВЯТО́Е ПО О́ТЧЕ НАШ:

Чтец: Святы́й Бо́же, Святы́й Кре́пкий, Святы́й Безсме́ртный, помилуй нас. *(Трижды)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвятая́ Трои́це, помилуй нас; Го́споди, очисти грехи́ наша; Влады́ко, прости́ беззакония́ наша; Святы́й, посети́ и исцели́ немо́щи наша, имене́ Твоего́ ра́ди.

Го́споди, помилуй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

О́тче наш, И́же еси́ на Небесе́х, да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и остави́ нам до́лги наша, я́коже и мы оставля́ем должникомъ́ нашим; и не введи́ нас во искуше́ние, но изба́ви нас от лука́ваго.

Иерей: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прѣсно и во ве́ки веко́в.

Чтец: Ами́нь. Го́споди, помилуй. *(12 раз)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Приидите́, поклонимся́ Царя́ви нашему́ Бо́гу.

Приидите́, поклонимся́ и припаде́м Христу́, Царя́ви нашему́ Бо́гу.

Приидите́, поклонимся́ и припаде́м Самому́ Христу́, Царя́ви и Бо́гу нашему́.

Псалом 16:

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мои́ да ви́дита правоты́. Искусил еси́ се́рдце мое́, посети́л еси́ но́щию, искусил мя еси́, и не обрѣтесе́ во мне неправда́. Я́ко да не

возглаблют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгонящие мя ныне обыдоша мя, очи свой возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг рук Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внемда явити ми ся славе Твоей.

Псалом 24:

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и невещения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мой выну ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюхся мне, яко потерпех Тя, Господи. Избави, Боже, Израиля от всех скорбей его.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внемда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очыщуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от крове, Боже, Боже спасения моего; возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда

благоволиши жертву правды, возношение и всесожгаемая; тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Тропарь праздника, глас 4:

Вознеслся еси во славе, Христе Боже наш, радость сотворивый учеником, обетованием Святаго Духа, извещенным им бывшим благословением, яко Ты еси Сын Божий, Избавитель мира.

Слава Отцу и Сыну и Святому Духу.

Тропарь блж. Ксении, глас 7:

Нищету Христову возлюбивши, безсмертныя трапезы ныне наслаждаешься, безумием мнимым безумие мира обличивши, смирением крестным силу Божию восприяла еси, сего ради дар чудодейственных помощи стяжавшая, Ксении блаженная, моли Христа Бога избавитися нам от всякаго зла покаянием.

И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе молимся: молись, Владычице, со святыми апостолы помилovati души наша.

Господь Бог благословен, благословен Господь день дне, поспешит нам Бог спасений наших, Бог наш, Бог спасати.

ТРИСВЯТОЕ ПО ОТЧЕ НАШ:

Чтец: Святыи Боже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Кондак праздника, глас 6:

Еже о нас исполнив смотрение, и яже на земли соединив Небесным, вознеслся еси во славе, Христе Боже наш, никакоже отлучаяся, но пребывая неотступный, и вопия любящим Тя: Аз есмь с вами, и никтоже на вы.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их

соблюдаеми и наставляеми, достигнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Го́споди поми́луй. (Три́жды)

Сла́ва Отцу́ и Сы́ну и Свято́му Ду́ху и ны́не и прѣсно и во ве́ки веко́в. Ами́нь.

Честне́йшую Херувѣм и Сла́внейшую без сравне́ния Серафѣм, без ислѣ́ния Бо́га Сло́ва ро́ждшую, су́щую Богоро́дицу, Тя велича́ем.

И́менем Госпо́дним благослови́, о́тче.

Иерей: Молѣ́твами святы́х оте́ц на́ших, Го́споди Иису́се Христе́, Бо́же наш, поми́луй нас.

Чтец: Ами́нь. Влады́ко Бо́же О́тче Вседержи́телю, Го́споди Сы́не Единоро́дный Иису́се Христе́, и Святы́й Ду́ше, Еди́но Божество́, Еди́на Си́ла, поми́луй мя, грѣшнаго, и и́миже ве́си судьба́ми, спаси́ мя, недостойнаго раба́ Твоего́, я́ко благослове́н еси́ во ве́ки веко́в, ами́нь.

ШЕСТО́Й ЧАС:

Чтец: Приидѣ́те, поклонѣ́мся Царе́ви на́шему Бо́гу.

Приидѣ́те, поклонѣ́мся и припаде́м Христу́, Царе́ви на́шему Бо́гу.

Приидѣ́те, поклонѣ́мся и припаде́м Само́му Христу́, Царе́ви и Бо́гу на́шему.

Псалом 53:

Бо́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чу́ждии воста́ша на мя и кре́пции взыска́ша ду́шу мою́, и не предложѣ́ша Бо́га пред собо́ю. Се бо Бог помога́ет ми, и Госпо́дь Засту́пник души́ мое́й. Отврати́т злая́ враго́м мои́м, истиною́ Твое́ю потреби́ их. Волею́ пожру́ Тебе́, испове́мся и́мени Твоему́, Го́споди, я́ко бла́го, я́ко от вся́кия печа́ли изба́вил мя еси́, и на враги́ моя́ возре́ око́ мое́.

Псалом 54:

Внуши́, Бо́же, моли́тву мою́ и не презри́ моле́ния моего́. Вонми́ ми и услы́ши мя: возскорбе́х печа́лию мое́ю и смято́хся. От гласа́ вра́жия и от стуже́ния грѣшника, я́ко уклони́ша на мя беззаконе́ и во гнѣве́ враждова́ху ми. Се́рдце мое́ смяте́ся во мне и боя́знь сме́рти нападе́ на мя. Страх и трѣпет при́иде на мя и покрѣ́ мя тьма. И рех: кто даст ми криле́, я́ко голубѣ́не, и полещу́, и почи́ю? Се удали́хся бѣгая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: я́ко ви́дех беззаконе́ и пререка́ние во гра́де. Днем и но́щию обы́дет ѣ́ по стена́м его́. Беззаконе́ и труд посреде́ его́ и неправда. И не оскуде́ от стогн его́ ли́хва и лесть. Я́ко а́ще бы враг поноси́л ми, претерпе́л бых у́бо, и а́ще бы ненави́дяй мя на мя велере́чевал, укры́л бых ся от него́. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в до́му́ Бо́жии ходи́хом единомышлѣ́нием. Да при́идет же смерть на ня, и да снѣдут во ад жи́ви, я́ко лука́вство в жили́щах их, посреде́ их. Аз к Бо́гу воззва́х, и Госпо́дь услы́ша мя. Ве́чер и за́утра, и полу́дне пове́м, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, я́ко во мно́зе бя́ху со мно́ю. Услы́шит Бог и смири́т я́, Сый прѣ́жде век. Нестъ́ бо им измене́ния, я́ко не убо́яшася Бо́га. Простре́ ру́ку свою́ на воздая́ние, оскверни́ша заветъ́ Его́. Раздели́шася от гнѣва́ лица́ Его́, и прибли́жишася се́рдца́ их, умя́кнуша словеса́ их па́че е́леа, и та суть стрѣ́лы. Возве́рзи на Го́спода печа́ль твою́, и Той тя препита́ет, не даст в век молвы́ праведнику. Ты же, Бо́же, низведе́ши я в студенѣ́ц ислѣ́ния, му́жие крове́й и льсти не преполова́т дней свои́х. Аз же, Го́споди, упова́ю на Тя.

Псалом 90:

Живи́й в по́мощи Вы́шняго, в кро́ве Бо́га Небе́снаго водвори́тся. Рече́т Го́сподеви: Засту́пник мой еси́ и Прибе́жище мое́, Бог мой, и упова́ю на Него́. Я́ко Той изба́вит тя от

сѣти лóвчи и от словесѣ мятѣжна, плещмá Свойма осенитъ тя, и под крилѣ Егó надѣешия: ору́жием обы́детъ тя ѳстина Егó. Не убойшия от стра́ха но́щнаго, от стрелы́ летя́щия во дни, от вѣщи во тме преходя́щия, от сря́ца и бѣса полуденнаго. Падѣт от страны́ твоея́ ты́сяща, и тма одесну́ю тебѣ, к тебѣ же не прибли́жится, обáче очы́ма твоима смóтриши, и воздая́ние грѣшниковъ ўзриши. Яко Ты, Гóсподи, уповáние моѣ, Вы́шняго положилъ еси́ прибе́жище твоѣ. Не придетъ к тебѣ зло и рана не прибли́жится телеси́ твоему́, яко А́нгелом Своимъ заповѣсть о тебѣ, сохранити́ тя во всехъ путѣхъ твоихъ. На рукахъ вóзмутъ тя, да не когда́ преткне́ши о ка́мень но́гу твою́, на а́спида и васили́ска настúпиши, и поперѣши льва и змíя. Яко на Мя упová и избáвлю ѳ, покрýю ѳ, яко познá ѳмя Моѣ. Воззоветъ ко Мне и услы́шу егó, с нимъ есмь в скóрби, измú егó и прослáвлю егó, долготóю дней испóлню егó и явлú емú спасѣние Моѣ.

Слáва Отцú и Сýну и Свято́му Дúху и ны́не и прýсно и во вѣки веко́в. Амíнь.

Аллилу́иа, аллилу́иа, аллилу́иа, слáва Тебѣ Бóже. *(Трúжды)*

Гóсподи, помíлуй. *(Трúжды)*

Тропа́рь пра́здника, глас 4:

Возне́слся еси́ во слáве, Христѣ́ Бóже наш, ра́дость сотвори́вый ученико́м, обетова́нием Свята́го Дúха, извещѣ́нным им бýвшим благословѣ́нием, яко Ты еси́ Сын Бóжий, Избáвитель мíра.

Слáва Отцú и Сýну и Свято́му Дúху.

Тропа́рь блж. Ксении, глас 7:

Нищету́ Христóву возлюбíвши, безсмѣ́ртныя трапѣзы ны́не наслажда́ешия, безúмием мн́мым безúмие мíра обличíвши, смире́нием крѣстнымъ сýлу Бóжию восприя́ла еси́, сегó ра́ди дар чудодѣ́йственныя по́мощи стяжав́шая, Ксѣ́ние блаже́нная, моли́ Христа́ Бóга избáвитися нам от всяка́го зла покая́нием.

И ны́не и прýсно и во вѣки веко́в. Амíнь.

Яко не ѳмамы дерзнове́ния за премно́гия грехи́ на́ша, Ты ѳже от Тебѣ́ Рóждшагося моли́, Богороди́це Дѣво, мно́го бо мо́жет молѣ́ние Ма́тернее ко благосѣ́рдию Влады́ки. Не прѣзри грѣшныхъ мольбы́, Всечы́стая, яко мýлостивъ еси́ и спасти́ могы́и, гже и страда́ти о нас изво́ливый.

Скóро да предва́рят ны щедро́ты Твоя́, Гóсподи, яко обнища́хом зело́; помози́ нам, Бóже, Спа́се наш, слáвы ра́ди гмене Твоегó, Гóсподи, избáви нас и очы́сти грехи́ на́ша, гмене ра́ди Твоегó.

ТРИСВЯТО́Е ПО О́ТЧЕ НАШ:

Чтец: Святы́и Бóже, Святы́и Кре́пкий, Святы́и Безсмѣ́ртный, помíлуй нас. *(Трúжды)*

Слáва Отцú и Сýну и Свято́му Дúху, и ны́не и прýсно и во вѣки веко́в. Амíнь.

Пресвята́я Трóице, помíлуй нас; Гóсподи, очы́сти грехи́ на́ша; Влады́ко, прости́ беззакóнныя на́ша; Святы́и, посети́ и исцели́ немо́щныя на́ша, ѳмене Твоегó ра́ди.

Гóсподи, помíлуй. *(Трúжды)*

Слáва Отцú и Сýну и Свято́му Дúху, и ны́не и прýсно и во вѣки веко́в. Амíнь.

О́тче наш, гже еси́ на Небесѣхъ, да святит́ся ѳмя Твоѣ, да придетъ Цáрствие Твоѣ, да бúдет воля́ Твоя́, яко на Небеси́ и на земл́и. Хлебъ наш насущный да́ждь нам днесъ; и остави́ нам до́лгы на́ша, якоже и мы оставля́ем должникомъ на́шим; и не введи́ нас во искуше́ние, но избáви нас от лука́ваго.

Иерей: Яко Твоѣ еси́ Цáрство и сýла и слáва Отца́ и Сы́на и Свята́го Дúха, ны́не и прýсно и во вѣки веко́в.

Чтец: Амíнь.

Конда́к блж. Ксении, глас 3:

Днесь свѣтло ликует град святаго Петра, яко множество скорбящих обретают утешение, на твоѣ молѣтвы надѣющесе, Ксѣние всеблаженная, ты бо еси граду сему похвала и утверждение.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христѣ Бже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молѣтвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молѣтвами святых отец наших, Господи Иисусе Христѣ, Бже наш, помилуй нас.

Чтец: Аминь. Бже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, приими и нас, грешных, благодарственныя сия и молебныя молѣтвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовью Твоею уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

БОЖЕСТВЕННАЯ ЛИТУРГИЯ

Диакон: Благословй, владыко.

Иерей: Благословено Царство Отца и Сына и Святаго Духа, ныне и присно и во веки веков.

Хор: Аминь.

ВЕЛИКАЯ ЕКТЕНИЯ.

Диакон: Мiром Господу помолимся.

Хор: Господи, помилуй. *(На каждое прошение)*

Диакон: :О Свiшнем мiре и спасении душ наших, Господу помолимся.

О мiре всего мiра, благостоянии Святых Божиих Церквей и соединении всех, Господу помолимся.

О святём храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святейшем Патриархе Кирилле, и о Господине нашем, Высокопреосвященнейшем митрополите *(или: архиепископе, или: преосвященнейшем епископе имярек)*, честнем пресвитерстве, во Христе диаконстве, о всем причте и людех, Господу помолимся.

О Богохранимем странё нашей, властех и воинстве ея, Господу помолимся.

О граде сем *(или о веси сей)*, всяком граде, странё и верою живущих в них, Господу помолимся.

О благорастворении воздушов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебё, Господи.

Иерей: Яко подобает Тебё всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

ПЕРВЫЙ АНТИФОН, ПСАЛОМ 102:

Хор:

Благословй, душе моя, Господа, благословен еси Господи.

Благословй, душе моя, Господа, и вся внутренняя моя имя святое Его. Благословй, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твоё: обновится яко орля юность твоя. Твори милостины Господь, и судьбу всем обидимым. Сказал пути Свои Моисею, сыном Израилевым хотения Свои: Щедр и Милостив Господь, Долготерпелив и Многомилостив. Не до конца прогневается, ниже в век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны,

ущедри Господь боящихся Его. Яко Той позна создание наше, помяну, яко персть есмь. Человек, яко трава дне егo, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа вся Силы Его, слуги Его, творящи волю Его. Благословите Господа вся дела Его, на всяком месте владычества Его.

Благослови, душе моя, Господа, и вся внутренняя моя имя святое Его. Благословен еси, Господи.

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Аминь.

ВТОРОЙ АНТИФОН, ПСАЛОМ 145:

Хор:

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою. В той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженныя. Господь любит праведники. Господь хранит пришельцы, сира и вдову приимет и путь грешных погубит. Воцарится Господь во век, Бог твой, Сионе, в род и род.

ЕДИНОРОДНЫЙ СЫНЕ:

Хор: Слава Отцу и Сыну и Святому Духу и ныне и присно и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотиться от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертию смертью поправый, Един Сый Святыя Троицы, прославляемый Отцу и Святому Духу, спаси нас.

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

ТРЕТИЙ АНТИФОН , БЛАЖЕННЫ:

Хор: Во Царствии Твоем помяни нас, Господи, егда приидеши во Царствии Твоем.

На 12. Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротции, яко тии наследят землю.

Блажени алчущии и жаждущии правды, яко тии насытятся.

Праздника, песнь 9-я, обоих канонов:

На 8. Стих: Блажени милостивии, яко тии помиловани будут.

Тя паче ума и словесе Матерь Божию, в лето Безлетнаго неизреченно рождшую вернии единомудренно величаем.

Стих: Блажени чистии сердцем, яко тии Бога узрят.

Тебе Избавителя мира Христа Бога, апостоли видяще Божественно возвышаема, со страхом играюще величаху.

На 6. Стих: Блажени миротворцы, яко тии сынове Божии нарекутся.

О даров паче постижения! О тайнства страшнаго! Всеми бо владычествуяй, от земли отходя к небесным, учеником посла Духа Святаго, просветившаго сих смысл, и огненны сотворившаго благодатию.

Стих: Блажени изгнани правды ради, яко тех есть Царство Небесное.

Полцы ученичестии, Господь рече, вы сидите во Иерусалиме: и аз низпослю вам Утешителя другаго, Отцу сопребстольна и Мне равночестна, Егоже видите взимаема, и облаком светлым носима.

Блж. Ксении, песнь 3-я:

На 4. Стих: Блажени есте, егда поносят вам, и изженут, и рекут всяк зол глагол на вы, лжуще Мене ради.

Небеснаго круга Зиждителю все житие твое отдавши, возлюбила еси Того до конца, сподоби и нас молитвами твоими, блаженная, любить Господа до конца дней наших.

Стих: Радуйтесь и веселитесь, яко мзда ваша многа на небесех.

Небесныя жизни желаящи, в житий твоём вся земная пренебрегла еси, сподоби и нас, мати Ксение, молитвами твоими Небесныя жизни достигнути.

Слава Отцу и Сыну и Святому Духу.

Небеснаго чертога желаящи, странническое житие прешла еси и ныне со всеми святыми в Небесных чертозах ликуеши.

И ныне и присно и во веки веков. Аминь.

Небеснаго Творца, Богородице всепетая, рождши, Небес пространнейшая явилася еси. Нас от пространнаго пути погибельна уклоньши, на Небесный путь настави, молюся.

МАЛЫЙ ВХОД (С ЕВАНГЕЛИЕМ):

Диакон: Премудрость, прости.

Хор: Приидите, поклонимся и припадём ко Христу. Спаси ны, Сыне Божий, **вознесыйся во славе**, поющия Ти: аллилуиа.

ТРОПАРИ В ХРАМЕ ГОСПОДСКОМ, БОГОРОДИЦЫ И СВЯТОГО:⁴

Хор:

Тропарь праздника, глас 4:

Вознёслся еси во славе, Христэ Бóже наш, радость сотвори́вый ученико́м, обетова́нием Свята́го Ду́ха, извеще́нным им б́вшим благослове́нием, яко Ты еси́ Сын Бóжий, Изба́витель ми́ра.

Тропарь блж. Ксении, глас 7:

Нищету́ Христову́ возлюбивши, безсме́ртныя трапéзы ны́не наслажда́ешься, безумием мн́мым безумие ми́ра обличивши, смире́нием крестным си́лу Бóжию восприя́ла еси́, сего́ ра́ди дар чудоде́йственныя по́мощи стяжа́вшая, Ксэ́ние блаже́нная, моли́ Христа́ Бо́га изба́виться нам от всяка́го зла покая́нием.

Слава, конда́к блж. Ксении, глас 3:

Днесь све́тло лику́ет град свята́го Петра́, яко мно́жество скорбя́щих обрета́ют утеше́ние, на тво́я моли́твы наде́ющиеся, Ксэ́ние всеблаже́нная, ты бо еси́ граду́ сему́ похвала́ и утвержде́ние.

И ны́не, конда́к праздника, глас 6:

Е́же о нас испо́лнив смотре́ние, и я́же на земли́ соединив Небе́сным, вознёслся еси́ во славе, Христэ́ Бóже наш, ника́коже отлуча́ясь, но пребыва́я неотступный, и вопия́ любящим Тя: Аз есмь с ва́ми, и никто́же на вы.

Диакон: Го́споду помóлимся.

Хор: Го́споди, помíлуй.

Иерей: Я́ко Свят еси́, Бóже наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прýсно.

Диакон: Го́споди, спаси́ благочестíвыя.

Хор: Го́споди, спаси́ благочестíвыя.

Диакон: И услы́ши ны.

Хор: И услы́ши ны.

Диакон: И во ве́ки веко́в.

Хор: Ами́нь.

ТРИСВЯТО́Е:

Хор: Святы́й Бóже, Святы́й Кре́пкий, Святы́й Безсме́ртный, помíлуй нас. *(Три́жды)*

Слава Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.

Святы́й Безсме́ртный, помíлуй нас.

Святы́й Бóже, Святы́й Кре́пкий, Святы́й Безсме́ртный, помíлуй нас.

Диакон: Во́нмем.

Иерей: Мир всем.

Чтец: И ду́хови тво́ему.

Диакон: Прему́дрость.

Проки́мны, Апóстол, Аллилу́рии

Чтец: Проки́мен, **глас 7 (праздника):** Вознеси́ся на Небеса́ Бóже, и по всей земли́ сла́ва Тво́я.

Хор: Вознеси́ся на Небеса́ Бóже, и по всей земли́ сла́ва Тво́я.

Чтец: Гото́во се́рдце моё́ Бóже, гото́во се́рдце моё́: воспою́ и пою́ во сла́ве мо́ей.

⁴ Тропарь и кондак храма Господского не поются; кондак храма Богородицы не поется

Хор: Вознесіся на Небеса́ Бóже, и по всей землі сла́ва Твоя́.

Чтец: **Глас то́йже** (блж. Ксении): Честна́ пред Гóсподем смерть преподóбных Егó.

Хор: Честна́ пред Гóсподем смерть преподóбных Егó.

ЧТÉНИЕ АПÓСТОЛА:

Диáкон: Премудрость.

Чтец: Деяний святых апóстол чтéние.

Диáкон: Вóннем.

Чтéние дня (Деян. 27:1–44, зач. 50):

Чтец: Во дни оны, якоже суждено бысть отплыти нам во Италию, предаху Пávла же и иныя некия юзники сотнику, именем Иулию, спыры Севастийския. Вшедше же в корабль Адрамитский, восхотевше плыти во Асийская места, отвезо́хомся, сущу с нами Аристарху Македонянину от Солу́ня. В другой же приста́хом в Сидóне: человеколюбие же Иулий Пávлови де́я, повелé к другом шедшу прилежание улучшить. И оттуду отвезшеся приплыхом в Кипр, зане ветри бяху противни, пучину же Киликийскую и Памфилийскую преплывше, приидо́хом в Мыры Ликийския. И тамо обрét сотник корабль Александрійский плывущь во Италию, всади ны вонь. Во мно́ги же дни ко́сно плавающе и едва́ бывше в Кнйде, не оставляющу нас ветру, приплыхом под Крит при Салмо́не. Едва́ же избирающе край, приидо́хом на место некое, нарицаемое Дóброе Приста́нище, ему́же близ бе град Ласей. Мно́гу же вре́мени мину́вшу и сущу уже́ небезбе́дну плаванію, зане́же и пост уже́ бе прешёл, советоваше Пávел, глаго́ля им: мужие, ви́жу, яко с досаждением и мно́гою тщето́ю не то́кмо бре́мене и корабля́, но и душ наших хо́щет быти плавание. Сотник же ко́рмчия и навклира послушаше па́че, нежели Пávлом глаго́лемых. Не добру́ же приста́нищу сущу ко озимению, мно́зи совет да́ху отвезты́я оттуду, а́ще како возмо́гут, досты́гше Финикии, озимéти в приста́нищи Крйтстем, зрящем к ли́ву и к хо́ру. Дхну́вшу же ю́гу, мнэ́вше волю́ свою́ улучшить, воздвигше ветрила, плыху вскрай Крйта. Не по мно́зе же возвёя противен ему́ ветр бурен, нарицаемый евроклидон. Восхищёну же бывшу кораблю́ и не могу́щу сопротивитися ветру, вда́вшеся волна́м носими бэхом. О́стров же некий мимотéкше, нарицающься Клавдий, едва́ возмо́гохом удержати ладию́, ю́же восты́гше, всяким образом помога́ху, подтверждающе корабль, боящеся же, да не в сирть впаду́т, низпустивше па́рус, си́це носими бэху. Вельми́ же обуреваемым нам, наутрие изметание творя́ху, и в трéтий день своїми рука́ми ядрило корабленое изверго́хом. Ни со́лнцу же, ни звезда́м явльшымся на мно́ги дни, и зимé не ма́ле належа́щи, прóчее отима́шеся наде́жда вся, е́же спасты́ся нам. Мно́гу же неядению́ сущу, тогда́ став Пávел посреде́ их, рече́: подобáше у́бо, о мужие, послушавше мене́, не отвезты́ся от Крйта и избы́ти досаждения́ сегó и тщеты́. И се ны́не молю́ вы благодушствовати, погы́бель бо ни еди́ной душой от вас бу́дет, разве корабля́. Предста́ бо ми в сию́ ночь, Егóже аз есмь, Ему́же и служу́, А́нгел Бóжий глаго́ля: не бойся, Пávле, кесарю́ ти подобáет предста́ти, и се дарова́ тебе́ Бог вся плавающыя с тобо́ю. Те́мже дерза́йте, мужие, верую́ бо Бóгови, яко́ тако́ бу́дет, имже́ образом речено́ ми бысть: во о́стров же некий подобáет нам приста́ти. И яко́же четвертаяна́десять ночь бысть, носимым нам во Адриáтской пучи́не, в полуно́щи непщевáху корабленицы приближа́тися им к некоей стране́, и измеривше глубину́ обретóша сажёней двадесять. Ма́ло же прешедше и па́ки измеривше, обретóша сажёней пятьна́десять. Боящеся же, да не како́ в прудная́ места́ впаду́т, от но́са корабля́ вергше ко́твы четы́ре, моля́хомся, да день бу́дет. Кора́блеником же ищущым бежа́ти из корабля́ и низвёсившим ладию́ в мо́ре, изве́том а́ки от но́са хотя́щим ко́твы простёрти, рече́ Пávел сотнику́ и вои́ном: а́ще не сии́ пребу́дут в кораблі́, вы спасты́ся не мо́жете. Тогда́ вои́ни отрезаша́ у́жя ладий и оста́виша ю́ отпáсти. Егда́ же у́бо хотя́ше день бы́ти, моля́ше Пávел вся прияти́ пи́щу, глаго́ля: четы́ренадеся́тый днесь день ча́юще, не я́дше пребывáете, ничто́же вкусы́вше.

Тёмже молю вас прияти пи́щу, се бо к ва́шему спасе́нию есть, ни еди́ному бо от вас влас гла́вы отпаде́т. Рек же сия́ и прие́м хлеб, благодарí Бóга пред все́ми и прело́мль нача́т я́сти. Благонадéжни же б́ывше вси, и т́и прия́ша пи́щу. Бе же в корабл́и всех душ двéсте сéдмьдесят и шесть. Насы́щшеся же бра́шна, облегчи́ша корабль, измета́юще пшени́цу в мо́ре. Егда́ же день бысть, земли́ не познава́ху, не́дро же не́кое смотре́ху иму́щее песо́к, на не́же совеща́ша, а́ще мо́чно есть, извлещи́ корабль. И ко́твы собра́вше, веза́хуся по мо́рю, и кúпно осла́бивше у́жя корми́лом, и воздви́гше ма́лое ве́трило к ды́шущему ве́трцу, везо́хомся на край. Впа́дше же в ме́сто испо́ное, увязи́ша корабль, и нос у́бо увязши́й пребы́сть недви́жимь, корми́ло же разби́вашеся от ну́жды волн. Вои́ном же сове́т бысть, да у́зники убию́т, да не кто поплы́в избе́гнет. Со́тник же, хотя́ соблюсти́ Па́вла, возбра́ни́ совету́ их, повеле́ же могу́щим пла́вати, да изско́чивше пе́рвее изы́ти на край, а прóчии, о́ви у́бо на дщи́цах, о́ви же на не́чем от корабля́. И та́ко бысть всем спасти́ся на зéмлю.

Чтéние блж. Ксении (Гал. 5:22–6:2, зач. 213):

Бра́тие, плод духо́вный есть любы́, ра́дость, мир, долготерпéние, бла́гость, милосéрдие, véра, крóтость, воздержáние: на тако́вых несть зако́на. А и́же Христо́вы суть, плоть распя́ша со страстьми́ и похотьми́. А́ще живéм дýхом, дýхом и да хóдим. Не бывáим тщесла́вни, друг дру́га раздража́юще, друг дру́гу завидя́ще. Бра́тие, а́ще и впаде́т человек в не́кое прегреше́ние, вы духо́внии исправля́йте тако́ваго дýхом крóтости: блюды́й себе́, да не и ты искуше́н бу́деши. Друг дру́га тяготи́ носите, и та́ко исполните зако́н Христо́в.

Иерей: Мир ти.

Чтец: И дýхови твоemú.

Диáкон: Прему́дрость.

АЛЛИЛУА́РИИ:

Чтец (праздника): Аллилу́ия, аллилу́ия, аллилу́ия, **глас 2:** Взы́де Бог в воскликновéнии, Госпо́дь во гла́се тру́бне.

Хор: Аллилу́ия, аллилу́ия, аллилу́ия.

Чтец: Все язы́цы воспещи́те рука́ми, воскликните Бо́гу гла́сом ра́дования.

Хор: Аллилу́ия, аллилу́ия, аллилу́ия.

Чтец (блж. Ксении): **Глас 6:** Блаже́н муж, бойся́ Го́спода, в за́поведех Его́ восхо́щет зело́.

Хор: Аллилу́ия, аллилу́ия, аллилу́ия.

Диáкон: Благослови́, влады́ко, благовестите́ля свята́го Апóстола и Евангели́ста Иоáнна.

Иерей: Бог, моли́твами свята́го, сла́внаго, всехва́льнаго Апóстола и Евангели́ста Иоáнна, да да́ст тебе́ глаго́л благовествующему́ си́лою мно́гою, во исполне́ние Ева́нгелия возлю́бленнаго Сы́на Своего́, Го́спода на́шего Иису́са Христа́.

Диáкон: Ами́нь.

Диáкон: Прему́дрость, прóсти, услы́шим свята́го Ева́нгелия.

Иерей: Мир всем.

Хор: И дýхови твоemú.

Диáкон: От Иоáнна свята́го Ева́нгелия чтéние.

Хор: Сла́ва Тебе́, Го́споди, сла́ва Тебе́.

ЧТÉНИЕ ЕВА́НГЕЛИЯ:

Диáкон: Во́ннем.

Чтение дня (Ин. 17:18–26, зач. 57):

Диáкон: Во вре́мя о́но, возвед Иису́с очи Свои́ на не́бо, и рече́: я́коже Ты Мя, Отче, послáл еси́ в мир, и Аз послáх их в мир, и за них Аз свящý Себе́, да и т́и бу́дут свяще́ни во и́стину.

Не о сих же молю токмо, но и о верующих словесе их ради в Мя, да вси еди́но бу́дут, якоже Ты, Оте́че, во Мне, и Аз в Тебе́, да и ти́и в Нас еди́но бу́дут, да и мир ве́ру име́т, яко Ты Мя послал еси́. И Аз сла́ву, ю́же дал еси́ Мне, дах им, да бу́дут еди́но, якоже Мы еди́но есма́. Аз в них, и Ты во Мне, да бу́дут сверше́ни во еди́но, и да разуме́ет мир, яко Ты Мя послал и возлюбил еси́ их, якоже Мене́ возлюбил еси́. Оте́че, ихже дал еси́ Мне, хо́щю, да иде́же есмь Аз, и ти́и бу́дут со Мнóю, да видят сла́ву Мою́, ю́же дал еси́ Мне, яко возлюбил Мя еси́ пре́жде сложе́ния ми́ра. Оте́че пра́ведный, и мир Тебе́ не позна́, Аз же Тя позна́х, и си́и позна́ша, яко Ты Мя послал еси́. И сказа́х им и́мя Твое́, и скажу́, да любы́, е́юже Мя еси́ возлюбил, в них бу́дет, и Аз в них.

Чте́ние блж. Ксении (Лк. 6:17–23, зач. 24):

Во вре́мя о́но, ста Иису́с на ме́сте ра́вне, и наро́д учени́к Его́, и мно́жество мно́го люде́й от всея́ Иуде́и и Иерусали́ма, и помóрия Ти́рска и Сидо́нска, и́же приидо́ша послу́шати Его́ и исцели́тися от недúг свои́х, и стра́ждущии от дух нечи́стых, и исцеля́хуся. И весь наро́д иска́ше прикаса́тися Ему́, яко си́ла от Него́ исхожда́ше, и исцеля́ше вся. И той возвед о́чи свои́ на ученики́ свои́, глаго́лаше: блаже́ни ни́щии дúхом, яко ва́ше есть Ца́рствие Бо́жие. Блаже́ни, а́лчущии ны́не, яко насы́титесь. Блаже́ни, пла́чущии ны́не, яко возсме́етесь. Блаже́ни бу́дете, егда́ возненави́дят вас челове́цы, и егда́ разлуча́т вы и поно́сят, и пронесу́т и́мя ва́ше яко зло, Сы́на Челове́ческаго ра́ди. Возра́дуйтесь в той день и разыгра́йте, се бо мзда ва́ша мно́га на небеси́.

Хор: Сла́ва Тебе́, Го́споди, сла́ва Тебе́.

ЕКТЕНИЯ СУГУБАЯ:

Диакон: Рце́м вси от всея́ души́, и от всегó помышле́ния на́шего рцем.

Хор: Го́споди, помилуй.

Диакон: Го́споди Вседержи́телю, Бо́же оте́ц на́ших, мо́лим Ти ся, услы́ши и помилуй.

Хор: Го́споди, помилуй.

Диакон: Помилуй нас, Бо́же, по вели́цей ми́лости Твое́й, мо́лим Ти ся, услы́ши и помилуй.

Хор: Го́споди, помилуй. *(Три́жды, на ка́ждое проше́ние)*

Диакон: Е́ще мо́лимся о Вели́ком Госпо́дине и Оте́це на́шем Святе́йшем Патри́архе Кири́лле, и о Госпо́дине на́шем Высокопреосвяще́ннейшем митрополи́те *(или: архиепи́скопе, или: преосвяще́ннейшем епи́скопе имяре́к)*, и все́й во Христе́ бра́тии на́шей. Е́ще мо́лимся о Богохрани́мей стране́ на́шей, власте́х и во́инстве ея́, да ти́хое и безмо́льное жити́е поживе́м во вся́ком благоче́стии и чистоте́.

Е́ще мо́лимся о бра́тиях на́ших, священни́цах, священномона́сах, и все́м во Христе́ бра́тстве на́шем.

Е́ще мо́лимся о блаже́нных и приснопа́мятных создате́лех свята́го хра́ма сегó, и о всех пре́депочи́вших отце́х и бра́тиях, зде лежа́щих и повсю́ду, правосла́вных.

Е́ще мо́лимся о ми́лости, жи́зни, ми́ре, здра́вии, спасе́нии, посеще́нии, проще́нии и оставле́нии грехо́в рабо́в Бо́жиих настоя́теля, бра́тии и прихо́жан свята́го хра́ма сегó.

Е́ще мо́лимся о плодонося́щих и доброде́ющих во свята́м и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богаты́я ми́лости.

Иерей: Я́ко Ми́лостив и Человеколю́бец Бог еси́, и Тебе́ сла́ву возсыла́ем, Оте́цү и Сы́ну и Свято́му Дúху, ны́не и при́сно и во ве́ки веко́в.

Хор: Ами́нь.

ЕКТЕНИЯ ОБ ОГЛАШЕННЫХ:

Диакон: Помолите́ся, оглаше́ннии, Го́сподеви.

Хор: Го́споди, помилуй. *(На ка́ждое проше́ние)*

Диáкон: Вёрнии, о оглашённых помóлимся, да Господь помíлуй их.

Огласíт их слóвом íстины.

Открýет им Евáнгелие правды.

Соединíт их святéй Своéй собóрней и апóстольстей Цérкви.

Спасí, помíлуй, заступí и сохрани́ их, Бóже, Твоéю благодáтию.

Оглашёнными, главы́ вáша Гóсподеви приклонíte.

Хор: Тебé, Гóсподи.

Иерéй: Да и тии с нáми слáвят пречестнóе и великолéпое íмя Твоé, Отцá, и Сына, и Свята́го Дúха, ны́не и прíсно, и во вéки векóв.

Хор: Амíнь.

ЕКТЕНИЯ ВЁРНЫХ, ПЁРВАЯ:

Диáкон: Елицы оглашёнными, изыдíte, оглашёнными, изыдíte. Елицы. оглашёнными, изыдíte. Да никто́ от оглашённых, елицы вёрнии, пáки и пáки мíром Гóсподу помóлимся.

Хор: Гóсподи, помíлуй.

Диáкон: Заступí, спасí, помíлуй и сохрани́ нас, Бóже, Твоéю благодáтию.

Хор: Гóсподи, помíлуй.

Диáкон: Премúдрость.

Иерéй: Яко подобáет Тебé всякая слáва, честь и поклонéние, Отцú, и Сыну, и Свято́му Дúху, ны́не и прíсно, и во вéки векóв.

Хор: Амíнь.

ЕКТЕНИЯ ВЁРНЫХ, ВТОРАЯ:

Диáкон: Пáки и пáки, мíром Гóсподу помóлимся.

Хор: Гóсподи, помíлуй. *(На кáждое прошéние)*

Диáкон: О свýшнем мíре и спасéнии душ нáших, Гóсподу помóлимся.

О мíре всегó мíра, благостоя́нии святýх Бóжиих церквéй и соединéнии всех, Гóсподу помóлимся.

О святéм хра́ме сем и с вéрою, благоговéнием и стра́хом Бóжиим входя́щих в онь, Гóсподу помóлимся.

О избáвители нам от всякия скóрби, гнéва и нúжды, Гóсподу помóлимся.

Заступí, спасí, помíлуй и сохрани́ нас, Бóже, Твоéю благодáтию.

Хор: Гóсподи, помíлуй.

Диáкон: Премúдрость.

Иерéй: Яко да под держáвою Твоéю всегдá храни́ми, Тебé слáву возсыла́ем, Отцú, и Сыну, и Свято́му Дúху, ны́не и прíсно, и во вéки векóв.

Хор: Амíнь.

ХЕРУВИ́МСКАЯ ПЕСНЬ:

Хор: Ёже Херувíмы та́йно образу́юще и животворя́щей Трóице Трисвяту́ю песнь припева́юще, всякое ны́не житéйское отложíм попечéние.

ВЕЛÍКИЙ ВХОД:

Диáкон: Велíкаго господíна и отцá нáшего Кири́лла, Святéйшаго Патриáрха Моско́вскаго и всея́ Русí, и господíна нáшего *(Высо́ко)Преосвящённейшаго (имярек), (архи)епископа (митрополита (титул))*, да помяне́т Господь Бог во Цáрствии Своём всегдá, ны́не и прíсно, и во вéки векóв.

Иерей: Преосвященныя митрополиты, архиепископы и епископы, и весь священнический и монашеский чин, и причет церковный, братию святого храма сего, всех вас, православных христиан, да помянет Господь Бог во Царствии Своём, всегда, ныне и присно, и во веки веков.

Хор: Амѣнь. Яко да Царя всех поды́мем, а́нгельскими невидимо доносима чинми. Аллилу́иа, аллилу́иа, аллилу́иа.

ЕКТЕНИЯ ПРОСИТЕЛЬНАЯ:

Диакон: Исполним молитву нашу Господеви.

Хор: Господи, помилуй. *(На каждое прошение)*

Диакон: О предложенных Честных Дарех, Господу помолимся.

О святом храме сем, и с верою, благоговением и страхом Божиим входящих в оный, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Щедротами Единородного Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Амѣнь.

Иерей: Мир всем.

Хор: И духови твоему.

Диакон: Возлюбим друг друга, да единомыслием исповемы.

Хор: Отца, и Сына, и Святого Духа, Троицу единосущную и нераздельную.

Диакон: Двери, двери, премудростию вонмем.

СИМВОЛ ВЕРЫ:

Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со

Отцём и Сыном спокланяема и сславима, глаголавшаго пророки. Во еди́ну Святу́ю, Соборную и Апостольскую Церковь. Исповедую еди́но крещёние во оставленье грехов. Чаю воскресения мёртвых, и жизни будущаго века. Ами́нь.

ЕВХАРЕСТИЧЕСКИЙ КАНО́Н:

Диакон: Станем добре, станем со страхом, вонмем, свято́е возноше́ние в ми́ре приноси́ти.

Хор: Милость ми́ра, жертву хваления.

Иерей: Благодать Го́спода нашего Иисуса Христа́, и любви́ Бо́га и Отца́, и прича́стие Свята́го Ду́ха, бу́ди со все́ми ва́ми.

Хор: И со ду́хом твои́м.

Иерей: Горé имéим сердца́.

Хор: И́мамы ко Го́споду.

Иерей: Благодарим Го́спода.

Хор: Досто́йно и пра́ведно е́сть покланя́тися Отцу́ и Сы́ну, и Свято́му Ду́ху, Трои́це единосущней и нераздельней.

Иерей: Победную песнь пою́ще, вопию́ще, взыва́юще и глаго́люще.

Хор: Свят, свят, свят Го́сподь Савао́ф, испо́льнъ не́бо и земля́ сла́вы Твоея́; осанна в вы́шних, благосло́вен Гряды́й во и́мя Го́сподне, осанна в вы́шних.

Иерей: Приимите, ядите, сие́ есть Тело́ Моё, е́же за вы ломимое во оставленье грехов.

Хор: Ами́нь.

Иерей: Пийте от не́я вси, сия́ есть Кровь Мо́я Но́ваго Завета́, я́же за вы и за мно́гия излива́емая, во оставленье грехов.

Хор: Ами́нь.

Иерей: Твоя́ от Твои́х Тебе́ принося́ще, о всех и за вся.

Хор: Тебе́ поём, Тебе́ благосло́вим, Тебе́ благодарим, Го́споди, и мо́лим Ти ся, Бо́же наш.

Иерей: Изрядно о Пресвяте́й, Пречи́стей, Преблагосло́венней, Сла́вней Влады́чице нашей Богородице и Присноде́ве Мари́и.

ВМЕСТО ДОСТО́ЙНО ЕСТЬ:

Хор: Велича́й душе́ моя́, вознесшагося от земли́ на Не́бо, Христа́ Жизнода́вца.

Ирмо́с, глас 5:

Тя па́че ума́ и словесе́ Ма́терь Бо́жию, в ле́то Безле́тнаго неизрече́нно ро́ждшую, ве́рнии, единому́дренно велича́ем.

Иерей: В пе́рвых помяни́, Го́споди, вели́каго господи́на и отца́ нашего Кири́лла, Святе́йшаго Патриарха Моско́вскаго и всея́ Руси́, и господи́на нашего *(Высо́ко)* Преосвяще́ннейшаго *(имярек)*, *(архи)*еписко́па *(митрополита (титул))*, и́хже да́руй святы́м Твои́м це́рквам, в ми́ре, це́лых, честны́х, здра́вых, долгоде́нствующих, пра́во пра́вящих сло́во Твоея́ и́стины.

Хор: И всех, и вся.

Иерей: И даждь нам еди́неми усты́ и еди́нем се́рдцем сла́вити и воспева́ти пречестно́е и великолéпое и́мя Твоё, Отца́, и Сы́на, и Свята́го Ду́ха, ны́не и при́сно, и во ве́ки веко́в.

Хор: Ами́нь.

Иерей: И да бу́дут ми́лости вели́каго Бо́га и Спа́са нашего Иисуса Христа́ со все́ми ва́ми.

Хор: И со ду́хом твои́м.

ЕКТЕНИЯ ПРОСИ́ТЕЛЬНАЯ:

Диакон: Вся святы́я помяну́вше, па́ки и па́ки ми́ром Го́споду помóлимся.

Хор: Гóсподи, помíлуй. *(На кáждое прошéние)*

Диáкон: О принесéнных и освящéнных Честнóх Дарéх, Гóсподу помóлимся.

Яко да человеколóбец Бог наш, приéм я во святýй и пренебéсный и мýсленный Свой жéртвенник, в воню благоухáния духóвнаго, возниспóслет нам Божéственную благодáть и дар Святáго Дýха, помóлимся.

О избáвиться нам от вся́кя скóрби, гнéва и нýжды, Гóсподу помóлимся.

Заступí, спасí, помíлуй и сохрани нас, Бóже, Твоéю благодáтию.

Хор: Гóсподи, помíлуй.

Диáкон: Дне всегó совершéнна, свята, мíрна и безгрéшна у Гóспода прóсим.

Хор: Подáй, Гóсподи. *(На кáждое прошéние)*

Диáкон: Ангела мíрна, вёрна настáвника, хранíтеля душ и телéс нáших, у Гóспода прóсим.

Прощéния и оставлéния грехóв и прегрешéний нáших у Гóспода прóсим.

Дóбрых и полéзных душáм нáшим и мíра мíрови у Гóспода прóсим.

Прóчее врéмя животá нáшего в мíре и покая́нии скончáти у Гóспода прóсим.

Христиáнския кончíны животá нáшего, безболéзнены, непостýдны, мíрны и дóбраго отвéта на Стрáшнем Судíщи Христóве прóсим.

Соединéние вéры и причáстие Святáго Дýха испросíвше, сáми себé, и друг дрýга, и весь живóт наш Христý Бóгу предад́им.

Хор: Тебé, Гóсподи.

Иерéй: И сподóби нас, Влады́ко, со дерзновéнием, неосуждéнно смéти призывáти Тебé, Небéснаго Бóга Отцá, и глагóлати:

МОЛÍТВА ГОСПÓДНЯ:

Отче наш, Йже есí на небесéх, да святíтся íмя Твоé, да приíдет Цáрствие Твоé, да бýдет воля Твоя́, яко на небесí и на землí. Хлеб наш насущный дáждь нам днесь; и остави нам дóлги нáша, якоже и мы оставля́ем должникóм нáшим; и не введí нас во искушéние, но избáви нас от лукаваго.

Иерéй: Яко Твоé есть Цáрство, и síла, и слáва, Отцá, и Сы́на, и Святáго Дýха, ны́не и прíсно, и во вéки векóв.

Хор: Амíнь.

Иерéй: Мир всем.

Хор: И дýхови твоёмý.

Диáкон: Главы́ вáша Гóсподеви приклонíте.

Хор: Тебé, Гóсподи.

Иерéй: Благодáтию, и щедрóтами, и человеколóбием Единорóднаго Сы́на Твоегó, с Нíмже благословéн есí, со Пресвятýм и Благíм и Животворящим Твоím Дýхом, ны́не и прíсно, и во вéки векóв.

Хор: Амíнь.

Диáкон: Вóнмем.

Иерéй: Святáя святýм.

Хор: Ед́ин свят, ед́ин Госпóдь, Исус Христóс, во слáву Бóга Отцá. Амíнь.

ПРИЧÁСТНЫ:

Причáстен прáздника:

Хор: Взы́де Бог в воскликновéнии, Госпóдь во глáсе тру́бне.

Причáстен блж. Ксении:

Хор: В память вечную будет праведник, от слуха зла не убоится.

Хор: Аллилуия. (Трижды)

ПРИЧАСТИЕ:

Диакон: Со страхом Божиим и верою приступите.

Хор: Благословен Грядый во имя Господне, Бог Господь и явися нам.

Иерей: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь.

Вечери Твоея тайныя днесь, Сыне Божий, причастника мя прими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или в осуждение будет мне причащение Святых Твоих Таин, Господи, но во исцеление души и тела.

Во время Причащения людей:

Хор: Тело Христово примите, Источника безсмертнаго вкусите.

После Причащения людей:

Хор: Аллилуия, аллилуия, аллилуия. (обычно поется несколько раз)

Иерей: Спаси, Боже, люди Твоя, и благослови достойные Твое.

!!!Хор:

Тропарь Вознесения, глас 4:

Вознеслся еси во славе, Христе Боже наш, радость сотворивый учеником, обетованием Святаго Духа, извещенным им бывшим благословением, яко Ты еси Сын Божий, Избавитель мира.

Иерей: Всегда, ныне и присно, и во веки веков.

Хор: Аминь. Да исполнятся уста наша хваления Твоего Господи, яко да поем славу Твою, яко сподобил еси нас причаститься Святым Твоим, Божественным, безсмертным и животворящим Тайнам, соблюди нас во Твоей святости весь день поучатися правде Твоей. Аллилуия, аллилуия, аллилуия.

ЕКТЕНИЯ ЗАКЛЮЧИТЕЛЬНАЯ:

Диакон: Прости приемше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: С миром изыдем.

Хор: О имени Господни.

Диакон: Господу помолимся.

Хор: Господи, помилуй.

Заамвонная молитва:

Иерей: Благословляяй благословящия Тя, Господи, и освящаяй на Тя уповающия, спаси люди Твоя и благослови достойние Твое, исполнение Церкви Твоей сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священником, воинству и всем людям Твоим. Яко всякое даение блага, и всяк дар совершен свыше есть, сходяй от Тебе Отца светов, и Тебе славу, и благодарение, и поклонение возсылаем, Отцу, и Сыну, и Святому Духу, ныне и присно, и во веки веков.

Хор: **Аминь.** Буди Имя Господне благословено от ныне и до века. *(Трижды)*

Псалом 33:

Хор: Благословлю Господа на всякое время, вину хвалы Его во устех моих. О Господе похвалится душа моя, да услышат кротции, и возвеселятся. Возвеличите Господа со мною, и вознесем Имя Его вкупе. Взысках Господа, и услыша мя, и от всех скорбей моих избави мя. Приступите к Немю, и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь: блажен муж, иже уповает на Нь. Бойтесь Господа, вси святии Его, яко несть лишения боящимся Его. Богатии обнищаша и взалкаша: взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети благи? Удержи язык твой от зла, и устне твой, еже не глаголати лести. Уклонися от зла и сотвори благо. Взыщи мира, и поженй и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников лютя, и ненавидящии праведнаго прегрешат. Избавит Господь души раб Своих, и не прегрешат вси, уповающии на Него.

Иерей: Благословение Господне на вас, Того благодатию и человеколюбием, всегда, ныне и присно, и во веки веков.

Хор: Аминь.

Иерей: Слава Тебе, Христе Боже, упование наше, слава Тебе.

Хор: **Слава Отцу и Сыну и Святому Духу и ныне и присно и во веки веков. Аминь.** Господи, помилуй. *(Трижды)* Благослови.

Иерей: *Произносит отпуст.*

Хор: Великаго Господина и Отца нашего Кирилла, Святейшаго Патриарха Московского и всея Руси, и Господина нашего *(Высоко)* Преосвященнейшаго *(имярек)*, *(архи)*епископа *(митрополита (титул))*, богохранимую страну нашу Российскую, настоятеля, бранию и прихожан святого храма сего и вся православныя христианы, Господи, сохрани их на многая лета.